

陶節菴傷寒全生集目錄卷之四

辨傷寒陰陽症論第一

辨傷寒陽症似陰例第二

辨傷寒陰症似陽例第三

理中湯

麻黃附子細辛湯

附子湯

真武湯

四逆散

四逆湯

霹靂散

白通豬胆汁湯

當歸四逆湯

吳茱萸湯



辨傷寒陰毒傷寒例第四

加味四逆湯

正陽散

陰毒甘草湯

蒸臍法

熨臍法

熨法

灸陰寒証法

辨傷寒胸中冷厥例第五

辨傷寒除中例第六

辨傷寒寒熱厥例第七

辨傷寒虵厥例第八

理中安虵湯

加味小柴胡湯

辨傷寒冷結膀胱例第九

辨茱萸當歸四逆湯

滋陰湯

辨傷寒短氣例第十

人參養榮湯

辨傷寒多眠例第十一

辨傷寒晝夜偏劇例第十二

辨傷寒不眠例第十三

酸棗仁湯

加味酸棗仁湯

黃連鷄子湯

梔子烏梅湯

加味溫胆湯

辨傷寒咽痛例第十四

苦酒湯

甘桔湯

犀角玄參湯

涼膈散

吹喉散

辨傷寒怫鬱例第十五

辨傷寒驚惕例第十六

柴胡加龍骨牡蠣湯

炙甘草湯

一名人參
炙甘草湯

辨傷寒奔豚例第十七

辨傷寒狐惑例第十八

黃連犀角湯

桃仁湯

辨傷寒不嘔例第二十五

辨傷寒漱水不欲嚥例第十九

辨傷寒百合例第二十三

百合湯

百合知母湯

百合代赭湯

百合雞子湯

辨傷寒瘕瘕例第二十二

辨傷寒肉瞶筋惕例第二十二

真武湯

加味人參養榮湯

加味温胆湯

辨傷寒肉苛例第二十三

辨傷寒鬱冒例第二十四

辨傷寒過經不解例第二十五

參胡三白湯

參胡温胆湯

人參竹葉湯

辨傷寒目直視例第二十六

辨傷寒瘖瘖不言例第二十七

辨傷寒遺尿例第二十八

辨傷寒得衣摸床例第二十九

升陽湯

辨傷寒舌卷囊縮例第三十

辨傷寒手足攣搐例第三十一

牛蒡散

辨傷寒瘧後發腫例第三十二

牡蠣澤瀉散

辨傷寒瘥後喜嘔例第三十三

辨傷寒瘥後遺毒例第三十四

連翹敗毒散

毒救苦散

托裏消毒散

辨傷寒瘥後發碗豆瘡例第三十五

辨傷寒瘥後勞復例第三十六

千金麥冬湯

辨傷寒瘥後食復例第三十七

辨傷寒瘥後女勞復例第三十八

辨傷寒瘥後陰陽易例第三十九

燒裨散

猴鼠糞湯

竹皮湯

瓜蒌竹茹湯

當歸白朮散

千金赤衣散

妙香丸

枳實梔子豉湯

補中益氣湯

小柴胡湯

辨傷寒瘥後虛弱例第四十四

當歸六黃湯

加味補陰丸

珠砂安神丸

加味枳朮丸

辨傷寒瘧後昏沉例第四十一

知母麻黃湯

辨傷寒瘧後飲酒復劇論第四十二

辨傷寒臟結例第四十三

辨瘧病例第四十四

瓜蒌桂枝湯

白朮散

桂心白朮散

當歸防風散

麻黃加獨防湯

桂枝加川芎防風湯

桂枝加芍藥防風湯

小柴胡加防風湯

附子散

附子防風湯

八物白朮散

辨大頭傷風例第四十五

普濟消毒散

荆防敗毒散

清涼救苦散

綠雲散

辨溫病例第四十六

辨熱病例第四十七

辨時氣例第四十八

辨冬溫溫毒例第四十九

辨傷溼中溼風溼例第五十

辨溼溫例第五十一

辨風溫例第五十二

葳蕤湯

葛根龍胆湯

瓜蒌根湯

知母葛根湯

防已湯

辨溫瘧例第五十三

辨溫疫例第五十四

辨中暑中暈例第五十五

香薷飲

十味香薷飲

清暑益氣湯

辨寒疫即感冒傷寒例第五十六

辨霍亂例第五十七

辨婦人傷寒証例第五十八

辨婦人熱入血室例第五十九

辨妊娠傷寒例第六十

護胎法

辨產後傷寒例第六十一

辨痰症類傷寒例第六十二

二陳湯

導痰湯

瓜蒂散

探吐法

控涎丹

辨食積類傷寒例第六十三

辨虛煩類傷寒例第六十四

辨脚氣類傷寒例第六十五

辨內傷瘀血症發熱狀類傷寒例第六十六

傷寒全生集目錄卷之四

終

陶節菴傷寒全生集卷之四

五篇論心經太極心會稽劉玉符朱映壁訂正

鎮江丹醫官何澄燠重校

姑蘇心醫生戈如璧

傷寒陰陽証論第一

凡治傷寒須辨陰陽二症不可誤治也且以陽症論

之則太陽陽明少陽三陽也如病在太陽則熱在皮

膚之分便有頭疼惡寒體痛等症其脉必浮而緊如

病在陽明則熱在肌肉之分或壯熱或蒸蒸發熱或

焯焯發熱。便有頭額痛。或潮熱自汗等症。其脈必微。而洪。如病在少陽。則必脈熱。或半表半裏熱。或往來寒熱。便有頭角痛。口苦嘔而胸脇滿痛等症。其脈必弦。而數。蓋陽症面紅光彩。唇紅。口乾舌燥。能飲水漿。其人身輕易以轉動。常欲開目見人。喜欲言語。其聲嚮亮。口鼻之氣往來自然。小便或赤或黃。大便或秘或硬。手足自然溫煖。爪甲俱紅活。此皆陽症也。如以陰症論之。則太陰少陰厥陰三陰也。如病在太陰。手足溫而微冷。脈息漸沉。或自利腹滿嘔吐不渴。如病在

少陰。雖則發熱。手足自冷。脈必沉細。如病在厥陰。則手足厥冷。脈微而緩。甚則唇青舌卷囊縮。大抵陰症。則面青黑。或有虛陽泛上。面雖赤色。而不紅活光彩。其人身重。難以轉側。或向壁臥。或踈臥欲寐。或閉目不欲見人。而懶言語。或氣少而難以布息。或口鼻乏氣。往來自冷。其聲音不嚮亮。或前輕後重。或時燥熱。煩渴。不能飲水。唇口或青或紫。舌色或青或紫。或白胎鋪滿而滑。不見紅色。手足自冷。爪甲或青或紫。血自不紅活。小便青白或淡黃。大便不實。而或瀉。或熱。

在肌表之分。以手按之。殊無大熱。陰甚者則冷透手也。陰症發熱。自與陽症發熱有異。不可以面赤煩渴爲論。要在明辨治之。

辨傷寒陽症似陰例第二

陽症似陰者。乃火極似水也。蓋傷寒熱甚。失于汗下。陽氣亢極。鬱伏於內。反見勝已之化于外。故其身涼。手足逆冷。而乍溫。狀若陰症。大抵唇焦舌燥。能飲水漿。大便閉硬。小便赤澀。設有稀糞水利出。此內有燥屎結聚。乃傍流之物。非冷痢也。再審有屁極臭者。是也。其脈雖沉。切之必滑數有力。或時燥熱。不欲衣被。或揚手擲足。或譫語有力。此陽症也。輕則用四逆散。合小柴胡湯。渴用白虎。合解毒湯。潮熱大便實者用。

大柴胡湯。重則燥實堅硬痞滿。全具者。用大承氣湯下之。故經云。身寒厥冷。其脈滑數。按之鼓擊於指下者。非寒也。此則陽盛拒陰也。

辨傷寒陰症似陽例第三
陰症似陽者。乃水極似火也。蓋傷寒傳變。或候服寒涼藥。攻熱太速。其人素本腎虛受寒。遂變陰症。冷極于內。逼其浮陽之火。發見于外。其人面赤煩燥。欲坐井中。身有微熱。渴欲飲水。復不能飲。大便閉結不通。或自利小水淡黃。或嘔逆。或氣促。或鄭聲。或咽痛。所以狀似陽症。庸醫不識。見其面赤煩渴便結。認作陽症。妄投寒冷之劑。下咽遂斃。可不謹哉。切其脈若沉細遲微。以通脈四逆湯倍加參附。以接真陽之氣。設

或救遲。遂至陰盛陽衰。雖使參附。亦不能救。此與陰甚格陽例同。內經所謂身熱脈數。按之不鼓。擊於指下者。此乃陰甚格陽。非熱也。又云面赤目赤。煩渴引飲。脈來七八至。而按之則散者。此無根之脈。用人參四逆湯治之而愈。此陰陽幽顯之奧。水火微兆之徵。傷寒須得傳授講明。庶獲効矣。

理中湯

本方有加減法

治太陰腹痛。或嘔吐食不下。或腹中痞。或自利不渴。脈沉遲無力。

人參

中

白朮

中

乾姜

上

甘艸

下

加肉桂

陳皮

寒極脈微厥冷。或脈伏絕。加熟附子。○嘔吐

加姜汁。丁香。半夏。去甘艸。蓋甘能發嘔。故去

也。吐蚘。加烏梅。花椒。去甘草。○若呃逆。加良

姜。丁香。沉香。柿蒂。姜汁。若臍下築築然動氣

者。此腎氣發動。即奔豚也。須去白朮。加肉桂。

○若腹脹加厚朴。○若心悸。或小便少。加茯苓。

苓。○若瀉多不止。加炒蒼朮。白朮。肉果。訶子。

甚不止加升麻少許粟殼以陳壁土炒用。若瀉多小便不利合五苓散名理苓湯。若內虛腹痛合小建中湯。若內實腹痛加木香砂仁名香砂理中湯。若心痞滿或寒食結胸不散加枳實名枳實理中湯。若中脘因于寒食痞悶加青皮陳皮名治中湯。若內寒腹痛甚加萊菔乳沒下香米香用諸藥其痛不止者加大黃利之。此痛隨利減之法。故經云痛則不通通則不痛是也。甘

麻黃附子細辛湯

本方有
加減法

治少陰始得病無頭痛便發熱面赤脉沉足冷者蓋此先因慾事而後傷寒名曰夾陰傷寒腎家真氣內弱所以脉沉足冷因虛陽上升所以面赤用附子以溫少陰腎經而助真陽之氣佐以麻黃發散表間寒邪加以細辛引入少陰部分乃仲景妙法不可不知也。

麻黃

中

附子

上

細辛

下

水姜煎服取微汗爲度。若病輕去細辛加甘

草以緩之。名麻黃附子甘草湯。

附子湯

治少陰手足厥冷。身體疼痛。脈沉者。又有二三日口中和。背惡寒者。又治脈微細。但欲寐者。又踈臥惡寒。欲寐者。又腎虛引水自救。小便色白者。並宜服之。

人參

中

芍藥

中

白朮

中

茯苓

下

附子

上

加乾姜

水姜煎服

真武湯

治少陰二三日不已。至四五日。腹痛。小便不利。四肢沉重疼痛。下利者。為有水也。其人或咳。或嘔。或小便自利者。即前附子湯。去參。名真武湯。

○若咳者。加五味。細辛。甘草。○若小便利。去茯

苓。不利。去芍藥。加乾姜。○若嘔。去附。加生姜半

夏。陳皮。○脈虛細。加人參。○若汗下吐後。虛而

肉。攣筋惕。身振欲擗地者。本湯加參。芪。歸。本方

有加減法在前。

四逆散

治少陰四肢逆冷。其人或咳悸。或小便不利。腹中痛。或泄利下重。此四味乃平寒之劑。如何可治。四逆之冷。蓋此四逆為陽邪傳變厥陰經故也。此解傳經之邪。非治陰寒也。

柴胡上芍藥中枳實中甘草下

水姜煎服。○若咳加五味乾姜。○下利心下悸加桂枝。○小便不利加茯苓。○腹痛脈沉足冷加熟附。○嘔加生姜汁。

四逆湯又名通脈四逆湯
本方自有加減法

治少陰症初起。無頭疼。無身熱。就便惡寒。厥冷。脈沉。或伏。戰慄。踈臥。或嘔吐。瀉利。腹痛。此名直中陰經真寒症。又治夾陰中寒。面色青。脈沉。厥冷。囊縮。舌卷者。及治下利清穀。裏寒外熱。身痛。脈沉。厥冷。脈微。欲絕者。或腹痛。乾嘔。或咽痛。下利。與少陰煩燥。下利不止。脈不出者。

附子上乾姜中甘草下

虛人加人參白朮。○瀉多加炒白朮蒼朮茯苓。○甚下利者加肉果。訶子。栗殼。升麻。炒陳

壁土。熟艾木通燈心二十根。取土氣以助胃氣。取升麻以提元氣。不過此至陰之下。求其升也。○面赤加葱白九莖。○嘔吐不止加姜汁半夏陳皮。○胃寒嘔不止加丁香。○咽喉痛不利加桔梗。○大腹痛加肉桂良姜。○小腹痛絞痛加茺藺青皮茴香。○腹痛甚不止加木香乳香沒藥砂仁熟艾玄胡索。○口食寒食身受寒氣加砂仁草菓藿香葉。○惡寒戰慄加麻黃桂枝。○骨體痛甚加桂枝羌活蒼朮。○胃寒發呃加丁香柿蒂茴香良姜爲末。姜湯調服。或入前湯調服立止。○脉不出加猪胆汁合生脉散麥冬五味人參三味。脉漸漸緩出者生。不出者死。暴出者亦死。手足不溫煖者亦死。○口吐涎沫加鹽炒茺藺名茺藺。○有寒痰加半夏姜汁陳皮。○若候服寒涼藥過多。胸腹脹滿關格不通。嘔逆不止。湯藥不受欲死者。本方加丁沉香蘇子栝榔枳實陳皮姜汁傳送。去甘草。○若六

汗出得睡燥止乃愈。如不得睡無汗復加煩燥不安身熱下利不止脉不出者死煩燥欲坐臥泥水井中者陰盛故也。加辰砂遠志茯神面赤者下虛故也。加葱白九莖身熱者裏寒故也。加桂枝。○瀉不止。加炒白朮人參。○嘔吐不止。加姜汁半夏陳皮丁香。○腹痛加砂仁吳茱萸木香甚不止。加乳沒。○虛寒氣逆上。加沉香蘇子。○有痰加半夏橘紅。○無脉加猪胆汁一匙調服。陰盛隔陽者但不能飲水者是也。引飲者非也。

白通猪胆汁湯

有加減法

治少陰下利脉微者與白通湯利不止厥逆無脉乾嘔煩欲飲水者服此湯脉暴出者死微續者生。

附子上乾姜中葱白二

猪胆汁一

童便一

匙

童便

匙

至大匙味甘大熱散積補善寒神效白

加入參白朮。○水姜煎入童便胆汁煎。○沸溫服。○若乾嘔煩燥盛不寧將藥在水中

浸冷服之。凡熱藥冷服下咽之後。冷體既消。熱性乃發。由是病氣隨愈。嘔噦皆除。情且不違。而益至大也。和人尿膽汁。鹹苦寒物於白通湯熱劑之中。可以解止焦格拒之熱也。用者用藥之微妙。要在精專耳。

當歸四逆湯

有加減法

治厥陰手足厥冷。脈沉細。或小腹絞痛。或嘔逆。

白囊縮。脈伏絕者。

當歸

肉桂

白芍

細辛

通草

甘草

生姜

大棗

水煎服。加吳茱萸。○寒甚加熟附。○脈不出。

加人參。

吳茱萸湯

有加減法

治乾嘔吐涎沫。頭疼甚者。

吳茱萸

人參

加乾姜

若陰寒極冷。唇青舌捲。囊縮。加附子。再用灸。

法甚良。

止。或煩燥吐利。甚則神思昏沉。手指甲青。唇青舌捲。囊縮。六脉沉細而疾。或六脉伏絕。此皆陰寒毒氣入深。先用姜汁好酒各半盞熱服。脉來可治。察其虛寒。伏陰用藥。又當知病人有無痛處。若痛甚者。脉必伏。急用蒸臍熨法。灸關元氣海法。灌入煎藥。此為斡旋之功矣。

加味四逆湯。治陰毒証。本証素自虛寒。若不識其法。用藥

辨附子上乾姜中又參中甘草下

加吳茱萸。治煩燥嘔逆。加姜汁半夏。渴者去半夏。

用冰浸冷服之。燥定渴止。此熱因寒用也。○

面赤加葱白。

正陽散。治陰毒面唇青。口張出氣。心下硬滿。身不熱。額

上有汗。煩渴。舌黑多睡。四肢逆冷。

附子上乾姜中甘草下皂莢下

麝香五厘水姜煎服

陰毒甘草湯

治傷寒時氣得病一二日。便結成陰毒。或服藥後四五日。或十餘日。變成陰毒。身重背強。腹中絞痛。咽喉不利。毒氣攻心。心下脹滿。硬如石。短氣不息。嘔逆唇青面黑。四體如冰。身如被杖。其脉沉細而疾。或伏絕。

甘草

中

升麻

中

當歸

上

雄黃

中

也

川椒

中

鱉甲

下

桂枝

上

去半棗

水姜煎服。○先進一服。如人行五里。再進一

服。取汗出乃愈。蓋陰之氣隨汗而出也。五六

日可治。七日不可治。

蒸臍法

治陰毒嘔逆。吐利腹痛。身如被杖。四肢厥冷。過

手肘膝昏沉不省。六脉或沉伏或絕。心下脹滿

結硬。堅冷如冰。湯藥不受。面唇指皆青黑色。或

時鄭聲。舌卷囊縮。煩燥冷汗不止。腰背腿疼。此

皆陰寒毒氣入深。急用蒸臍法。將麝香半夏阜

茨末一匙。填入患人臍中。後用生姜薄片貼於

臍上放大艾火於姜片上蒸二七壯灸關元氣
海二七壯熱氣通其內通寒出於外陰退而陽
復矣如手足溫煖即止知人事者生灌入生姜
汁照前用藥不可與涼劑悞服必死

熨臍法

治傷寒陰毒入深昏沉不省體冷如石心腹堅

硬脉伏欲絕又治夾陰中寒小腹絞痛面青舌

卷囊縮者用葱頭縛一把握切去葉留白根切餅

二寸餅於臍上以熨斗盛火於餅上熨之餅爛

再換再熨熱氣入腹以通陽氣如小便不通以

利爲止

熨法

治太陰中寒面青小腹痛小水不利脹滿脉沉

足冷用茱萸二三合麩皮一升鹽一合拌勻炒

熱以絹包於腹中上下熱熨之自然有效若傷

寒陽症用大黃芒硝利藥不行用此熨之使藥

氣得熱則行大便秘通矣

灸陰寒症法

灸陰寒症法灸臍下

治面青厥冷腹痛嘔吐瀉利舌卷囊縮手指甲
唇青心下堅硬脹滿冷汗不止四體如水昏沉
不省人事脉伏絕者。○氣海穴在臍下一寸五
分丹田在臍下二寸關元在臍下三寸用夫艾
灸二七壯但手足溫暖脉至知人事無汗要有
汗出即生不暖不省者死大抵陰症不分熱與
寒不熱看脉下藥最爲的當不拘脉之浮沉大小
但指下無力重按全無便是伏陰專在脉來無
力中主病脉氣空大而數按之不鼓擊於指下
者此爲脉從病反陰盛格陽非真熱也諸陰皆
然治陰寒用附子頂圓臍正一兩一枚者佳去
皮臍每一兩用黃連甘草各二錢葦苳一撮鹽
水姜汁各半盞入砂鍋煮七八沸後入童便少
許再煮二三沸撈起焙乾入磁氣盛貯伏地氣
一晝一夜出火毒以後取用無毒如候服附子
多而面目赤者乃附毒之過先將黃連半兩生
地三錢麥冬三錢甘草五分黃芩二錢黃栢二
錢山梔二錢犀角一錢葦苳一撮水二鍾煎至

鍾半。再加萊菔搗汁半盞煎至八分冷飲以解
附毒如無萊菔用子搗汁亦可若解遲必燥亂
煩渴不已血從耳目口鼻出者必死此為良法

一畫一畫出火毒以藥平風燥毒破封毒
苦再煮二三沸時時飲之
水姜竹各半盞入
丸散藥一兩用黃
然前創寒用細子
春此為和氣藥以
辨傷寒胸中冷厥例第五

辨傷寒胸中冷厥例第五

凡手足厥冷脉乍緊者此邪結在胸中也故心中滿
而煩飢不能食者此病在胸中宜吐之用瓜蒂散主
之。

辨傷寒除中例第六

凡傷寒脉遲厥深下利當不能食。若反能食者名曰除中。此症必死也。

傷寒之溫復取汗乃愈。若汗出不止者。用人參煎湯。或姜桂枝麻黃根五味子麥門冬煎湯。救之。若不
不止。脈不至者死。

凡傷寒下利。脈遲者。不可投熱藥。下利脈數者。不可投寒藥。脈遲而脈數者。不可投熱藥。脈數而脈遲者。不可投寒藥。脈遲而脈數者。不可投熱藥。脈數而脈遲者。不可投寒藥。

辨傷寒寒熱厥例第七

辨傷寒寒熱厥例第七
辨傷寒寒熱厥例第七
辨傷寒寒熱厥例第七

辨傷寒寒熱厥例第七

傷寒寒熱而厥。面色不澤。胃味。兩手無脈。或一手無脈。此特要有汗出。如重陰欲雨之狀。多用綿衣蓋煖。手足。或用火磚。布包放于足下。急用熱姜汁。調稀米湯服之。溫覆取汗。乃愈。若汗出不止者。用人參熟附子。乾姜。桂枝。麻黃根。五味子。麥門冬。煎湯救之。若汗不止。脈不至者。死。

人心胸脇下有痛陣必撮眉呻吟。或時下血如豚肝色。或如溼毒膿狀。或如鮮血色。或下利急迫。或昏沉不省人事者。一切吐衄。雖身火熱不可與涼劑服之。必死。俱用理中安衄湯。加減治之。待衄定。却以小柴胡退熱。夫重者。上半月重頭向上易治。下半月重頭向下難治。先以肉汁或糖蜜引重頭向上。然後用藥。中病則止。又有厥陰病消渴。氣上冲心。飢不能食。食即吐衄。既曰胃寒。復有消渴之症。蓋熱在上焦。而中下焦則俱寒。而無熱。此實至言也。若大便實者。用理中湯加大黃入蜜少許微利之。

理中安衄湯

有加減法

人參

中

白朮

中

乾姜

上

茯苓

中

烏梅

三個

花椒

水姜煎服。○手足冷加附子。○有嘔加陳皮。

半夏。○吐衄未止。加黃連苦棟根皮細辛。○

治衄不可用甘草甜物。蓋衄得甘則動於上。

得酸則靜。見苦則安。得辛辣則頭伏於下也。

如合丸藥。用烏梅浸爛蒸熟。搗如泥。入前末。

藥再搗如泥。每服十九。米湯吞下。

加味小柴胡湯

治吐衄身熱不退。

柴胡^上 黃芩^上 黃連^中 半夏^下

人參^下 乾姜^下 烏梅^下 黃柏^中

花椒^下 細辛^下 棟樹根皮^中

水姜煎服

辨傷寒冷結膀胱例第九

凡人手足厥冷。脉沉細。無結胸。但小腹脹滿。按之痛

者。此冷結膀胱。須灸關元穴。宜服

茱萸當歸四逆湯

附子^上 乾姜^中 甘草稍^下 當歸^中

茱萸 通草^下 青皮^中 官桂^{少許引}

水姜燈心煎。○外用揉法。○若身熱脉數有

力者。此是熱結膀胱。宜用加減

滋陰湯

當歸

生地

黃柏

知母

木通

猪苓

滑石

琥珀

青皮

木香

甘草稍

山梔

扁蓄

水燈心煎服。○若傷寒脉浮發熱而渴如狂

此太陽傳本亦是熱邪結在膀胱宜服五苓

散利之是太陽經裏藥也。○若小便自利大

便黑小腹硬滿而痛如狂者此有畜血宜桃

仁承氣湯加青皮下盡黑物則愈

辨傷寒短氣例第十

短氣者乃鼻中呼吸之氣出入短少而不相接續也

表症不解汗出不徹其人面色綠綠正赤煩燥不安

其身不知痛處而短氣者宜發汗則愈心腹堅滿自

汗多短氣者邪在表而為虛宜用桂枝湯實表則愈

陽明內實不大便潮熱自汗燥渴譫語心腹堅滿而

短氣者邪在裏而為實宜大柴胡下之重者用調胃

承氣湯陰症脉沉細手足冷惡寒面如刀刮口臭之

氣難以布息而短氣者宜人參四逆湯溫之因汗吐

下後元氣虛弱脉微細氣不能相接而短少者宜人
 參養榮湯乾嘔短氣痛引脇下汗出不惡寒此表解
 裏未和也十棗湯短氣煩燥心中懊懣者梔子豈豉
 湯風溼相搏一身盡痛汗出小便難惡風不欲去衣
 被短氣者甘草附子湯食少飲多水停心下滿悶短
 氣者茯苓甘草湯小便難五苓散生之

人參養榮湯

有加減法

人參 上

黃芪 中

白朮 中

當歸 上

橘紅 中

茯苓 中

川芎 中

地黃 中

五味 下

麥冬 中

官桂

甘草 下

有熱加黃芩柴胡○陽虛加熟附○陰虛加

黃柏知母○不眠加辰砂遠志○氣急加沉

香

辨傷寒多眠例第十一

多眠者。衛氣晝則行陽。夜則行陰。行陽則寤。行陰則寐。陽氣虛。陰氣盛。則目瞑。故多眠。乃邪傳陰。不在陽也。昏昏閉目者。陰司閤也。默默不言者。陰主靜也。脾肝腎經。謂之陰司。太陽症十餘日。脉沉細。嗜臥者。肝已解。神將復也。設胸滿脇痛者。屬少陽也。小柴胡加桔梗。若浮緊無汗者。太陽未解也。宜麻黃湯汗之。若鼻乾不眠者。風熱內攻。不干乎表。熱氣伏內。則多眠。小柴胡湯。凡汗後身涼。脉靜而好睡者。病之愈也。少

陰脉微細。但欲寐。或踈臥。惡寒。或喜向壁臥。或身體沉重欲寐。脉沉逆冷者。皆屬陰症也。附子湯。風温脉陰陽俱浮者。汗出身重。鼻息鼾睡。語言難出。用萎蕤湯。狐惑唇口生瘡。咽乾聲啞。面乍白乍黑。但默默欲眠。治在本條。

辨傷寒晝夜偏劇例第十二

凡病晝靜夜劇者。熱在血分。宜四物湯。加黃柏知母。芩連。山梔。丹皮。軟柴胡。主之。若夜靜晝劇者。此熱在氣分。宜小柴胡湯。加山梔。黃連。知母。地骨皮。主之。若晝夜俱劇者。此熱在氣血之分。宜小柴胡合四物湯。加連梔。主之。若有表症。脉浮數不安。宜汗之。則愈。若裏實燥渴。大便不通。譫語晝夜不寧者。宜下之。則愈。若下後復發熱。晝則煩燥不得眠。夜則安靜。脉沉微。無大熱者。乾姜附子湯。凡婦人熱入血室。晝則明了。

汗大便實燥渴譫語宜調胃承氣湯下之。又若大熱錯語呻吟乾嘔不得眠者黃連解毒湯主之。此則熱在裏也。若表裏大熱舌燥飲水不眠者白虎合解毒湯主之。大抵胃不和則睡不安故宜解熱胃和則已。○三少陽發熱嘔而口苦脇痛心煩不眠脈弦數者小柴胡湯加黃連山梔主之。此則邪在半表半裏也。虛人津液不足者加麥門冬。○四少陰症二三日心中煩不眠者黃連雞子湯。又下利六七日嘔而嘔心煩不眠者此停水也猪苓湯。五太陽病發汗後不得眠脈浮數微熱煩渴小便不利者五苓散。若大汗胃中乾燥煩渴欲飲水者宜少與之即愈不與則喘渴而死脈數大用人參白虎湯加竹葉不可用五苓也。若發汗吐下後虛煩不得眠者必反覆顛倒心中懊憹梔子豉湯。若下後復發汗晝日煩燥不得眠夜安靜不嘔不渴無表裏証脈沉微無大熱乾姜附子湯。汗下後虛煩不眠者溫胆湯加竹葉石膏山梔烏梅辰砂主之。若小便不利大便乍難乍易微熱而喘不得眠者有燥屎也大承氣下

之。六傷寒瘥後飲酒煩悶乾嘔口燥呻吟錯語不得眠者黃連解毒湯加烏梅乾姜乾葛主之。七瘥後不眠者即熱氣與諸陽相併陽氣未復梔子烏梅湯。八陽挾陰狂言不眠亂夢心煩氣乏者酸棗仁湯陰挾陽則驚悸昏沉温胆湯。九若汗下太過而陽氣衰不得眠若無熱症又當四逆湯主之以退陰復陽也。

十少陰寒症陰極發燥不得眠脉沉細足冷面赤或下利身疼痛不得眠脉微者四逆湯加參朮主之。十一中風汗出脉濡弱將厥而且寒煩燥不眠宜小

建中湯

酸棗仁湯

黃連棗仁湯

茯神

水姜棗煎服

加味酸棗仁湯

人參

桂心

石膏

知母

甘草

甘草

甘草

棗仁上

甘草下

知母中

麥冬中

茯苓上

川芎中

乾姜下

當歸上

水姜棗煎調辰砂末

黃連雞子湯

黃連

黃芩

芍藥

阿膠

雞子黃

加當歸

遠志

水姜煎至一鍾下膠洋化盡入鷄子黃攪勻

去渣溫服

梔子烏梅湯

梔子

黃芩

柴胡

甘草

烏梅

人參

麥冬

竹葉

水姜棗煎服

加味溫胆湯

半夏

竹茹

陳皮

枳實

甘草

棗仁

人參

茯苓

心煩內熱加黃連山梔遠志麥冬○口中燥

渴去半夏加麥冬五味天花粉知母○表熱

未除加軟柴胡○內重大便自利者加茯苓

白朮煨乾姜去枳實表裏俱大熱者加石膏
知母去半夏○煩燥虛驚加當歸生地梔子
遠志調辰砂末○心中顛倒懊懣者加梔子
烏梅○胃氣虛弱不得眠者加炒粳米○水
姜棗煎服。

辨傷寒咽痛例第十四

咽喉不利或痛或嘔皆毒氣上攻有陰陽二毒有少
陰有伏氣要在審察治之不可一例作爲風熱治也
陽毒咽喉腫痛乃熱極也陰毒咽喉不利乃寒極也
治在本條○少陰病二三日咽喉痛用甘桔湯若下
利咽痛胸滿心煩者用猪膚甘桔湯下利清穀裏寒
外熱脉微欲絕面赤咽痛者用通脉四逆湯伏氣者
亦屬少陰謂之腎傷寒因冬月伏寒在於腎經頭疼
腰痛脉微弱發則咽痛後必下利用蜜煮附子四逆

湯以溫腎經則愈。不可用寒涼之藥也。少陰病咽中生瘡不能言語聲不出者。用苦酒湯。

苦酒湯

苦酒 半夏 雞子

將半夏雞子入苦酒內。頓火中三沸。去渣少

少含嚥之。不瘡者宜再服二三劑。

甘桔湯

有加減法

桔梗

甘草

水煎服。○痛甚加猪膚

犀角玄參湯

有加減法

治陽毒咽痛

犀角

玄參

甘草

桔梗

升麻

黃芩

黃連

石膏

連翹

黃柏

山梔

薄荷

麝香

大便秘加大黃芒硝。○若斑出加大青。以青

黛代之亦可。水煎服。

涼膈散

治熱在上焦。脈洪數而咽痛者。

實根 連翹

薄荷

山梔

大黃

芒硝

甘草

水煎服或茶調下

吹喉散

青黛

山荳根

芒硝

片腦

硼砂

胆礬

牛黃

各為細末。先服甘桔湯嗽過。將前末藥吹入喉中。最效。如痰涎壅塞。以鵝翎蘸桐油和皂夾末探吐為效。次吹入末藥。再以針刺患處。并少商穴血出。即寬。

辨傷寒怫鬱例第十五

怫鬱者。陽氣蒸越。形於頭面肌膚之間。聚赤而不散也。太陽病發汗不徹。併於陽明。續自微汗出。面色赤者。陽氣怫鬱於表。面色緣緣正赤。其人煩燥。不知痛處。用葛根湯解肌。若太陽病發汗不徹。脉浮緊而面赤者。表未解也。用麻黃湯汗主之。若面赤身痒者。以其不得小汗出故也。用桂枝麻黃各半湯。病人大便乍難乍易。小便利有微熱。怫鬱不得臥。此有燥屎。作實。用調胃承氣湯下之。吐汗下之後。虛極。胃中虛冷。

外色怫鬱假色於面乃內寒也。宜用理中湯。手足冷者加附子吐下之後虛矣。或復汗之。其人怫鬱復與之水。因而得嘔。此胃寒也。用桂枝人參湯。加茯苓吐汗下之後得嘔。怫鬱者內虛也。用人參四逆湯。傷寒被火劫汗出不解。邪熱與火交攻而發。怫鬱蒸於肌膚。身目俱黃。用茵陳湯。陽明內實熱盛。脈洪大。面色赤煩渴。舌燥飲水者。用人參白虎湯。潮熱自汗譫語。面赤燥渴。大便實者。用大承氣湯。加芒硝。少陰下利清穀。裏寒外熱。或身痛脈欲絕。面赤。或咽痛者。用通脈四逆湯。加葱白。有下利脈沉遲。面色少赤。身有微熱。下利清穀。鬱冒汗出而解。病人必微厥。所以然者。其面戴陽而下虛故也。大抵陰症怫鬱并下虛人。怫鬱者。自是赤而不光盛也。若陽病表不解。并內實熱甚者。赤而光盛也。要在審其虛實寒熱。不可見其面赤。槩作熱治之。以致悞也。

快... 山... 會

辨傷寒驚惕例第十六

驚惕者心中動悸惕然而驚也。太陽病加溫針必驚。惕也。又傷寒八九日下之胸滿煩驚小便不利譫語。一身盡痛用柴胡龍骨牡蠣湯主之。又少陰病耳無所聞目赤胸滿不可吐下若吐下則生驚惕也。又傷寒脉結代心動悸者用灸甘草湯。凡風濕被火則如驚癇也。陽明被火發熱汗出不惡寒加溫針必驚。惕而煩燥不眠也。太陽脉浮宜以汗解妄以火迫必驚狂起卧不安宜桂枝去芍藥加蜀漆牡蠣龍骨救逆。

湯主之大抵傷寒汗吐下之後虛極之人或因事驚恐遂生驚惕者宜養心血安神之劑主之。

柴胡加龍骨牡蠣湯

柴胡 龍骨 炙甘草 牡蠣 芩 半夏 六兩

人參 茯苓 桂枝 牡蠣 鉛丹 又

大黃 水姜棗煎服

炙甘草湯 一名人參復脈湯

人參 甘草 桂枝 生地

阿膠 麥冬 麻子仁

水姜煎。凡脈代者死也若結而代者可治。

故用此湯主之。凡心中驚惕人虛脈弱者可

服此湯。無內熱生地減半。虛寒者加煨

乾姜。脈伏加五味子助人參麥冬以生脈

也其桂枝救逆湯見發斑條下

壯與桂枝加桂湯

逆湯加肉桂另煮散之益桂大能泄奔豚夜不能

眠醫聖藥也

對症而用

辨傷寒狐惑例第十八
 狐惑溼。皆是由証。蓋傷寒失於汗下。不解。多日。傳
 變。因腹中有熱。食入無多。腸胃空虛。三虫求食。而食
 人五臟。且狐惑者。如狐之下水。取猶豫不決。進退之
 義。若虫食其肛。則聲啞。虫食其臟。則咽乾。當看上唇
 有瘡。虫食其肛。下唇有瘡。虫食其臟。面色乍白乍赤。
 乍黑。變易無常。四肢沉重。惡聞食氣。默默欲眠。目閉。
 舌白。齒晦。殺人甚速。越人望而畏之。

黃連犀角湯

治狐惑症

黃連 犀角 人參 烏梅 木香

加苦參 水煎服

桃仁湯

治蠱症

入五洲 桃仁 槐子 艾葉 加苦參

水煎服

雄黃散

雄黃 青松子 苦參

黃連

桃仁

右各為細末。生艾搗汁。和丸小指大。絲裏納

入肛門內。治虫食臟也。再用雄黃艾葉燒煙

熏之。

辨傷寒漱水不欲嚥例第十九

陽明症口燥但欲漱水不欲嚥者必作衄用犀角地黃湯若畜血下焦其人喜忘而如狂小便自利大便黑色口燥舌乾但漱水不欲嚥者此有瘀血結於下焦宜桃仁承氣下盡黑物則愈少陰症脉沉細手足冷或時煩燥渴欲漱水不欲嚥者宜四逆湯又下利厥逆無脉乾嘔煩渴欲漱水不欲嚥者宜白通湯加猪胆汁人尿服之有厥陰虺厥煩燥吐虺口燥舌乾但欲凉水浸舌并口唇時不可離但不欲嚥下宜理

人車胃內出更食潮也再用散黃艾葉炒散
 黃連
 黃連
 黃連

快。然但有頭眩者。三十日而愈也。宜百合湯以治百
合病也。

百合湯

用百合七箇劈破。以泉水浸一宿。取出。另研

水二鍾。煎至一鍾。另搗生地黄汁一鍾。和入

一處。再煎至一鍾。去渣溫服。

百合知母湯

治百合病。已經發汗後而更發者。將知母二兩。水二鍾。煎

至一鍾。溫服。

至一鍾。溫服。

百合代赭湯

治百合病。已經下後而更發者。

百合七箇製法如前。水二鍾。煎滑石二兩代

赭一兩煎至一鍾。和前百合汁溫服。

百合雞子湯

治百合病。已經吐後而更發者。

百合七箇製法如前。用水二鍾。煎至一鍾。如

前取汁。入雞子黃一枚。攪勻溫服。

也。蓋因虛極生風。用小續命湯加減。凡傷寒汗出露風。則汗不流通。遂變筋脈攣急。手足搐搦。用牛蒡根散主之。風溫被火劫。發微黃色。劇如驚癇。時發瘈瘲者。宜用萎蕤湯主之。若夫瘈瘲戴眼反折。反而上視。白絕。汗乃出如貫珠不流。此太陽絕也。又有四肢瘈瘲動而不止。似瘈瘲而無力抽搐者。此肝絕也。蓋汗下後虛。變生此症者多。死。若用小續命湯。有汗去麻黃。無汗去黃芩。要在通變而已矣。

辨傷寒肉瞶筋惕例第二十二。大野經水與赤陽氣者。精則養神。柔則養筋。發汗過多。津液枯少。陽氣偏虛。筋肉失所養。故惕惕而跳。瞶然而動也。非溫筋助陽。何以治之。惕者筋脈跳動也。瞶者肌膚蠕動也。太陽病發汗出不解。仍發汗。頭身瞶動。振振欲擗地。用真武湯。合人參養榮湯。倍用歸芪亦效。若不因汗之過多。其人惕惕然筋脈跳動者。此人素稟血少。邪熱傳於六脈之中。使之動惕也。用加味人參養榮湯最妙。如傷寒發汗過多。或虛人取汗。或傷風取汗。

妄用麻黃青龍等湯大發其汗便有厥逆筋跳肉瞤之症並用真武湯瘦人去芍藥恐其入榮故也。有熱去附子恐其大熱以瘦人火多故也。若傷寒發汗腹中有動氣者汗之則肉瞤筋惕或頭眩汗不止其症最逆急用防風白朮牡蠣湯。次用小建中湯乃可十愈一二。若汗吐下後心中滿氣上冲胸起則頭眩脈沉緊身振搖者用茯苓桂枝白朮甘草湯。以則成痿心下滿去甘草加枳結。予曾治一人傷寒不輕發汗七八日筋脉動惕潮熱甚其肉不瞤大便秘小便赤以手按腹中硬痛此有燥屎大柴胡湯下之則愈一人傷寒十餘日曾三次發汗過多遂變肉瞤身振搖筋脉不惕此氣虛也用人參養榮湯而愈一人汗後虛煩不得眠筋惕肉瞤內有熱以加味溫胆湯治之乃愈也。

真武湯

白朮

茯苓

附子

芍藥

加參歸以治虛極身瞤動者尤妙。○若內熱去附子。用水姜煎服。

加味人參養榮湯

本方自有加減法

治汗下過多。血氣兩虛肉羸筋惕者。

人參

白朮

茯苓

甘草

川芎

五味子

當歸

生地

麥冬

肉桂

黃芪

芍藥

水姜煎。○陰虛火動。加黃柏知母。○若陽虛

不內寒。脈微足冷者。加乾姜熟附子。一人下

加味溫膽湯

本方自有加減法

治汗吐下後虛煩不得眠者。

橘紅

半夏

茯苓

甘草

竹茹

軟柴胡

人參

黃連

川芎

生地

山梔

當歸身

白芍藥

酸棗仁

加遠志

水姜棗烏梅煎服。調辰砂末。○有痰加姜汁。

炒半夏倍多。

茯苓白朮桂枝甘草湯。即此四味。

水姜煎服。

凡傷寒口唇下頷顫動者。有虛有實。此熱在手足陽

明二經之分也。脈虛者。以人參三白湯。加麥冬五味

先生其脉。次用竹葉石膏湯主之。○若舌燥煩渴能
 飲水者。人參白虎湯主之。大抵此症不解。昏迷逆冷
 者。多不能救也。

水美寒息。神煎用隨風。○亦參以美。

白芍藥。細葉。味酸。主。

川芎。主。

人參。主。

半夏。主。

辨傷寒肉苛例第二十三

人之肉苛。雖近衣絮。猶尚苛也。傷寒發汗過多。亡其
 血者。乃變此症。蓋榮虛而衛實。則血氣不得通和。肌
 肉失所養。故頑痺不仁。痛癢不知也。用羌活沖和湯。
 加桂枝當歸木香主之。

表俱虛。其人致耳。汗自出而愈。

神昏而發解。時人參。白湯加芍藥。

氣足。加熟附。用木。運法。益。

大。山。有。此。症。者。宜。用。此。法。

麻桂枝當歸木香主之

肉失泄者。效厥。不。二。麻。不。不。也。民。美。中。味。影。
血。芥。以。變。此。宜。益。榮。虫。而。清。實。限。也。屎。不。醫。也。味。肌。
人之肉。苦。難。此。不。緊。難。也。苦。心。時。也。苦。平。難。也。寸。其。

辨傷寒由苦例第二十三

辨傷寒鬱冒例第二十四

鬱冒神氣昏沉迷迷如物之蒙冒其首。蓋諸陽乘寒而為厥鬱冒不仁者。謂不柔和痛痒不知。針火不知。即不仁也。此寒氣乘虛所中。用四逆湯。加人參。歸。桂。芎。芪。天。麻。主。之。太。陽。病。下。早。不。愈。仍。復。發。汗。以。致。表。裏。俱。虛。其。人。致。冒。冒。蒙。汗。自。出。而。愈。乃。表。和。也。若。不。得。汗。而。不。解。者。用。人。參。三。白。湯。加。芎。歸。天。麻。下。虛。脈。微。足。冷。加。熟。附。溫。經。固。本。經。云。陰。苗。者。必。固。其。根。伐。下。者。必。枯。其。上。少。陰。下。利。止。而。頭。眩。特。特。自。冒。者。死。

金鑑卷之四

是

此腎絕也。凡頭目眩運。非鬱胃也。蓋眩運為輕。鬱胃為重。新產婦人病多鬱胃者。此血虛也。用加味四逆湯主之。又惡露未盡。本衝鬱胃。此血暈昏迷。亦宜四物湯。加紅花。桃仁。乾姜。肉桂。推陳致新。治之。少許不
善。越天。神。主。之。太。剛。氣。不。早。不。後。以。經。未。明。不。以。此。寒。氣。乘。血。中。風。四。逆。眩。暈。人。參。蠶。絲。而。為。風。鬱。胃。不。以。此。寒。氣。乘。血。中。風。四。逆。眩。暈。人。參。蠶。絲。鬱。胃。轉。氣。各。治。其。病。之。經。二。三。十。日。之。後。有。益。請。別。乘。寒。

辨傷寒過經不解例第二十五

傷寒十三日不解。謂之經過。若脈尺寸陷者。大危也。陷者。即脈伏也。若過經不解。或已經二三十日之後。其柴胡証未罷。先與小柴胡和之。若嘔不止。心下鬱鬱微煩者。大柴胡下之。凡胸脇滿而嘔。目腫潮熱者。此為實也。先以小柴胡解外。次以大柴胡下之。加芒硝。若過經不解。人弱脈虛者。不可下。以參胡三白湯加減治之。若虛煩少氣者。人參竹葉湯主之。若虛煩不得眠者。參胡溫胆湯主之。為當也。

參胡三白湯 本方自有加減法

人參 白茯苓 白芍 白朮 白米

柴胡

水姜棗煎服。○心煩不安者加麥冬五味。○

渴加知母天花粉。○陰火動加黃柏知母。○

走精者加牡蠣。○心煩口苦痞滿加枳實黃

連。○不眠加遠志竹茹辰砂二三十日之後

參胡溫膽湯

人參 茯苓 柴胡 橘紅

枳實

半夏

甘草

水姜棗煎服

人參竹葉湯 本方自有加減法

治過經煩熱不解

人參

竹葉

麥冬

甘草

軟柴胡

黃芩

水姜棗煎服。○舌乾口燥欲飲水者加石膏

知母。○胃弱者加炒粳米。○如口苦不乾燥

有津液若嘔者加半夏。○口苦心煩加黃連

○無熱不渴脉沉足冷加熟附名既濟湯

過經不解自患病起至十三日從未服藥病不愈謂過經不解若中間曾服過藥又不當

如此論胃弱善吐熱暈者○破日奇不詳

水黃葉煎酒○舌黃且熱深於本亦中寒

海山黃茶

人參

人參

人參

辨傷寒目直視例第二十六

直視者即目睛也目睛圓圓正直視而不轉動也凡直視搖頭者心絕狂言目反直視者腎絕直視喘滿者下利者皆死直視譫語不止者死目斜視者死若其目正圓直視口噤或角弓背反張者瘥病也多難治若戴眼反折者此爲上視絕汗乃出大如貫珠不流此膀胱絕也凡目中不明非直視也此目中乃視物但見一半不見一半有所譫妄而胡言也若大便實者宜下之目自明也內虛者難治

辨傷寒瘖瘖不言例第二十七
 瘖瘖不言者若少陰病咽中生瘡不能言語者以雞
 子黃苦酒湯若狐惑上唇有瘡瘖瘖者在本條瘖瘖病
 口噤不能言治在本條熱病瘖瘖不言三四日不得
 汗出者死若熱甚火傷肺金不能言者宜清肺降火
 則愈若風熱擁盛咳嗽聲瘖瘖瘖者以清風熱降痰火
 則愈又有失於發散風邪伏於肺中者當以發散為
 主也

辨傷寒瘖瘖不言例第二十七

瘖瘖不言者若少陰病咽中生瘡不能言語者以雞
 子黃苦酒湯若狐惑上唇有瘡瘖瘖者在本條瘖瘖病
 口噤不能言治在本條熱病瘖瘖不言三四日不得
 汗出者死若熱甚火傷肺金不能言者宜清肺降火
 則愈若風熱擁盛咳嗽聲瘖瘖瘖瘖者以清風熱降痰火
 則愈又有失於發散風邪伏於肺中者當以發散為
 主也

遺尿

遺尿者。小便自出而不知也。三陽合病。身重。譫語。遺尿者。用人參白虎湯。大抵熱盛神昏遺尿者可治。若陰症下寒逆冷遺尿脉沉者多難治。宜四逆湯加益智仁主之。厥陰囊縮逆冷脉沉遺尿者宜四逆加茱萸湯。陽不回者死。傷寒汗下之後熱不解。陰虛火動而遺尿者用人參三白湯。加黃栢知母麥冬五味歸地主之。若狂言直視遺尿者是腎絕也。膀胱不利為癰。不約為遺溺。又水泉不止者。膀胱不藏也。腎與膀胱熱不論言。以本新熱。熱盛不言三四日不汗。干黃苦。而身甚熱。上尋本。發熱。本本新。盛。脉。數。強。不言。者。甚。少。到。熱。即。中。主。欲。不。汗。言。語。者。以。兼。辨。身。寒。熱。強。不。言。詞。第。二。十。五。

辨傷寒遺尿例第二十八

遺尿者。小便自出而不知也。三陽合病。身重。譫語。遺尿者。用人參白虎湯。大抵熱盛神昏遺尿者可治。若陰症下寒逆冷遺尿脉沉者多難治。宜四逆湯加益智仁主之。厥陰囊縮逆冷脉沉遺尿者宜四逆加茱萸湯。陽不回者死。傷寒汗下之後熱不解。陰虛火動而遺尿者用人參三白湯。加黃栢知母麥冬五味歸地主之。若狂言直視遺尿者是腎絕也。膀胱不利為癰。不約為遺溺。又水泉不止者。膀胱不藏也。腎與膀胱

金生集 卷之四 三十一
膀胱表裏俱虛則膀胱之氣不約。故遺尿也。溲便遺尿。肺金虛當補肺也。大抵肺虛腎虛熱盛遺尿者皆可治。惟腎絕遺尿者不可治。

辨傷寒循衣摸床例第二十九

傷寒循衣摸床者死。兩手撮空者死。向壁踞臥。逆冷。鄭聲。循衣摸縫者死。凡循衣摸床。直視。譫語。脈弦者。生。脈濇者死。小便利者可治。不利者不可治。謂津液枯竭也。大抵陰陽二氣俱絕。則妄言撮空也。若大便秘結。撮空。譫語。燥渴者。此爲實熱。宜承氣湯下之。若因汗下虛。而大便自利。譫語撮空。逆冷。脈小者。難治。以升陽湯劫之。

升陽湯

本方自有加減法

人參

當歸

麥冬

五味子

白朮

甘草

水姜入金首飾煎服。○瀉不止加猪苓木通肉果。○身不熱口不渴瀉利脉沉足冷者加姜附白朮升麻少許。○若身有熱口燥渴者加柴芩知母。○如大便實秘用承氣湯下之。

辨傷寒舌卷囊縮例第三十

凡舌卷囊縮者難治也。若陰陽易病。卵入腹則舌吐者死。且夫囊縮有陽症。有陰症。其陽症囊縮者因熱極而縮。蓋熱則熾燃。其陰症囊縮者因寒極而縮。蓋寒則收引。皆是宗筋也。婦人亦有囊縮。可辨。但其乳頭縮者即是也。凡陽症囊縮舌卷者。急用大承氣下之。若陰症囊縮舌卷者。急用四逆加茱萸湯溫之。先灸關元氣海丹田。及蒸臍熨法甚効。

辨傷寒手足攣搐例第三十一
 傷寒大汗已出。因而露風。則汗不流通。風邪乘虛襲
 於經絡。故手足攣搐。不能屈伸。而筋脉拘急也。用牛
 蒡散治之。

辨傷寒手足攣搐例第三十一

傷寒大汗已出。因而露風。則汗不流通。風邪乘虛襲
 於經絡。故手足攣搐。不能屈伸。而筋脉拘急也。用牛
 蒡散治之。

牛蒡散

牛蒡子 麻黃 南星 牛膝

右用剉碎於石器內。入好酒同研細。另用火
 燒地坑赤色。以藥放在坑內。再用炭火燒令
 黑色。取出為末。每服一錢。好酒送下。水姜煎

服亦可

服亦可
服亦可
服亦可
服亦可
服亦可
服亦可
服亦可
服亦可
服亦可
服亦可

牛膝

牛膝

牛膝

牛膝

牛膝

牛膝

辨傷寒瘧後發腫例第三十二

傷寒瘧後浮腫者此水氣也以牡蠣澤瀉散主之

牡蠣澤瀉散

牡蠣

蜀漆

商陸

葶藶

海藻

瓜蒌根

水姜燈心煎服。○胃虛食少以五苓散加蒼

朮陳皮木香砂仁若不虛者以商陸一味煮

粥食之亦妙。

大抵傷寒大病瘧後足腫者不妨但節飲食

戒酒色胃氣強腫自消

陳食之亦效

木刺史木香炒以苦不重者以商陸一

水姜心煎服。胃氣食少以在木香味茶

或煎瓜萸

商陸 葶藶

掛藥

高寒寒後發熱者以掛藥

辨高寒寒後發熱者三十二

辨傷寒瘥後喜唾例第三十三

病新瘥後口中和喜唾不止者此胃中有寒宜理中

湯溫之瘥後口乾喜唾或咽痛人參竹瀝湯加烏梅

黃連知母天花粉主之咽痛者用山荳根磨水噲之

復用甘桔湯加芩連山梔連翹薄荷主之

玄參

桔梗

黃芩

方脈... 卷之四... 三十二

發散甘... 山... 主之

黃... 山... 主之

... 主之

... 主之

三十三

辨傷寒瘧後遺毒例第三十四

傷寒汗下不徹邪結在耳後一寸二三分或兩耳下

俱硬腫者名曰發願此皆餘熱之毒不除也宜速消

散緩則成膿矣以連翹敗毒散主之

連翹敗毒散

本方自有
加減法

黃蘇

大黃

連翹

山梔

羌活

玄參

薄荷
防風
人參
柴胡

桔梗

升麻
川芎
當歸
大黃
芍藥

芍藥
牛蒡子
天麻
西

水煎服加紅花同煎。○渴加天花粉。○面腫加白芷。○項腫加威靈仙。○大便實加大黃。川山甲。○虛加人參。

消毒救苦散

黃連 黃芩 黃柏 大黃

山梔 白芨 雄黃 白蘇

芙蓉葉 大薊根 赤小豆 南星 宜散

當歸尾 朴硝 五倍子 三半 夏 兩 五 下

各為細末。用五葉藤腦見腫消。草野苧麻根。

三件搗汁入苦酒少許調前末藥。漸漸敷之。留毒頭出毒氣。

托裏消毒散

治發願有膿不消。或已破未破。俱可服。

黃芪 白芷 連翹 羌活

川芎 當歸尾 赤芍藥 防風

桔梗 柴胡

加皂莢金銀花甘草水煎服。毒湯加生地當

或與黃連甘草木通煎

柴胡

黃芩 白芷 麻黃 黃連

黃芩 白芷 麻黃 黃連

或與麻木煎不消更以麻木煎

此藥性寒

治毒則出毒

三科其性入苦酸少清時宜未藥補神

辨傷寒瘡後發碗豆瘡例第三十五

碗豆瘡者亦因汗下後餘毒未盡瘡後故發碗豆瘡也。只以黃連甘艸歸尾紅花防風苦參荆芥連翹羌活白芷煎服。外用芒硝赤小豆青黛為末以鷄子清和猪胆汁調和敷瘡上最効。勿令動之。待其脫落無痕。

傷寒瘡後小便澀而有血者名曰內外瘡皆黑靨不出膿者死亦是餘熱毒也。用黃連解毒湯加生地當歸連翹木通滑石牛膝扁蓄琥珀甘草稍加燈心水

煎服

此水能治一切熱症。凡患此症者。宜早服之。其效如神。此水能治一切熱症。凡患此症者。宜早服之。其效如神。

此水能治一切熱症。凡患此症者。宜早服之。其效如神。此水能治一切熱症。凡患此症者。宜早服之。其效如神。

此水能治一切熱症。凡患此症者。宜早服之。其效如神。此水能治一切熱症。凡患此症者。宜早服之。其效如神。

此水能治一切熱症。凡患此症者。宜早服之。其效如神。此水能治一切熱症。凡患此症者。宜早服之。其效如神。

此水能治一切熱症。凡患此症者。宜早服之。其效如神。此水能治一切熱症。凡患此症者。宜早服之。其效如神。

此水能治一切熱症。凡患此症者。宜早服之。其效如神。此水能治一切熱症。凡患此症者。宜早服之。其效如神。

此水能治一切熱症。凡患此症者。宜早服之。其效如神。此水能治一切熱症。凡患此症者。宜早服之。其效如神。

此水能治一切熱症。凡患此症者。宜早服之。其效如神。此水能治一切熱症。凡患此症者。宜早服之。其效如神。

此水能治一切熱症。凡患此症者。宜早服之。其效如神。此水能治一切熱症。凡患此症者。宜早服之。其效如神。

辨傷寒瘧後勞復例第三十六

病新瘧後。血氣未平復。餘熱未盡。如水浸墻壁。水退

土尚未堅。不可動也。非但負重涉遠。雖梳頭洗面。亦

傷神也。若勞動再發。為勞復。血氣尚虛。但當安臥。守

靜以養血氣。設或早晚勞役。使血氣沸騰。而邪熱遂

還於經絡。而發熱也。謂之遺熱。脈浮者。以汗解之。脈

沉者。以下之。若不應汗下者。以參胡三白湯加調理。

但澀然汗出而解。或寒戰汗出而解。若虛煩不眠。用

參胡溫胆湯。加棗仁遠志。氣虛煩嘔。竹葉石膏湯。燥

半夏米食不化。加神麴麥芽。肉食不化。加草果山查
治之。

（Faint bleed-through text from the reverse side of the page, including characters like 治之, 加神, 麴麥, 芽, 肉食, 不化, 加草, 果山, 查）

辨傷寒瘥後女勞復例第三十八

傷寒男子病新瘥。早犯女色。而為病復發者。名曰女
勞復也。其候頭重不舉。目中生花。腰背痛。小腹裏急
絞痛。或增寒發熱。或時陰火上衝。頭面烘熱。心胸煩
悶者。以竹皮燒棍散。猴鼠糞。若有熱。加柴胡。調赤衣
散。人虛弱者。用參胡三白湯。調赤衣散。若小腹急痛。
脉沉足冷。用當歸四逆湯。加熟附菜。更送下赤衣散。
若見卵縮入腹。脉離經者。死也。

（Faint bleed-through text from the reverse side of the page, including characters like 辨傷, 寒瘥, 後女, 勞復, 例第, 三十八）

...

...

...

...

...

...

...

辨傷寒瘧後陰陽易例第三十九

辨傷寒瘧後陰陽易例第三十九

陰陽易者。如換易之易。以其邪毒之氣交相易換也。

男子病新瘧。婦人與之交而為病者。名曰陽易。婦人

病新瘧。男子與之交而為病者。名曰陰易。其候身重

氣乏。百節解散。頭重不舉。日中生花。熱止衝胸。增寒

壯熱。陰火上衝。頭面大熱。在男子則陰腫。小腹絞痛。

在婦人則裏急。連腰胯內痛。病甚者手足冷。攣拳。男

子卵陷入腹。婦人痛引陰中。皆難治也。若見舌吐出

者死。予曾治一人。見舌出數寸者。即死矣。宜用竹皮

燒棍散。加人參當歸知母。若卵腫痛。倍加竹青黃連。滑石生地鼠糞。韭根甘草青皮木通。有粘汗出而陰頭腫爲効。有熱加柴胡。陰火上衝加黃柏知母。若傷腎經虛損。眞陽衰脫。有寒無熱。脉虛足冷者。以人參四逆湯調下。燒棍散。若傷肝經。以當歸四逆湯加茱萸熟附送下。燒棍散。用分寒熱而治。夫抵傷寒大病之後。房幃之事。切宜謹戒。若未瘥後。因交接淫慾。而無病人。反得病。此爲陰陽易也。若瘥後。因交接淫慾。病人自病。而復發。謂之女勞。復此乃仲景不傳之妙論。醫當玩之。

燒棍散

治男子病。用婦人棍襠。近陰處一般。樣剪取一塊。燒灰調入藥服。或白湯下亦可。婦人病。取男子棍襠。如前一般。

猴鼠糞湯

韭白根一握。鼠糞兩頭尖者十四粒。水二鍾煎。不可熱服。隨症加減。有粘汗爲効。陰陽易女勞。復皆可調。燒棍散。

竹皮湯

治女勞復頭重。目中生花。腹中絞痛。有熱者用刮青竹皮半升煎服。隨症加減。調下燒裊散。

瓜萋竹茹湯

治陰陽易熱氣上冲。胸中煩悶。手足攣拳。搐搦如風狀者。入藥煎。每白湯下。散入兩升。見

瓜萋根。青竹茹。

熱者加減。用水煎服。燒裊散在內。

當歸白朮散

治婦人病未平復。有犯房事。小腹急痛。連腰胯痛。四肢不仁。無熱者。煎香

財寶當歸。白朮。

附子

桂枝

炙甘草。白芍藥。黃芩。

人參

水姜棗煎服。調燒裊散在內。香三式。味香正。

千金赤衣散。凡婦人黃腫。三發。審一。埃。同。熱。心。味。

治女勞復。并陰易。以室女月經來。而近陰處剪。

一方。燒灰。調藥服下。或白湯送下。煎香。

妙香丸。凡婦人。不。熱。大。動。不。應。心。脈。皆。痛。黃。腫。不。安。

治陰陽易不瘥。大便不通。心神昏亂。驚惕不安。

辰砂三錢 水片三分 膩粉三分 麝香三分

牛黃三分 金箔五片 巴豆霜一錢

赤金右為末。另研入黃蠟三錢。蜜一匙同煉勻。和

藥為丸。每一兩作三十丸。弱者三丸。壯者五

丸。米湯送下。大便通即止。

枳實梔子豉湯自來

治勞復。并或食復發熱者。

梔子一錢 枳實一錢 豉一錢 豆豉一錢

水煎服

補中益氣湯本方自有加減法

治勞復發熱。氣虛而喘。身熱而煩。四肢怠惰。

人參一錢 白朮一錢 歸身各一錢 陳皮七分

黃芪一錢 白芍藥各一錢 甘草三分

軟柴胡一錢五分 升麻五分

陰火動。或夢中失精。或虛弱煩盛。或自汗不

足。加黃栢。知母。五味。十數粒。麥冬。○有宿食

痞滿者。去人參。升麻。黃芪。加枳實。黃連。桔梗。

砂仁。○煩燥不眠加遠志山梔酸棗仁。

○脉弱人虛倍用人參。○自汗盜汗倍用黃

芪。去升麻。○食少胃弱倍用白朮。○熱多倍

用軟柴胡。○水姜煎服。

小柴胡湯

此湯見在少陽例。○煩渴加天花粉乾葛。

煎中益厚湯

水煎服

辨傷寒瘥後虛弱例第四十

山藥

傷寒瘥後虛弱無力者。先因汗下過多病久元氣虛

弱調養失宜。須漸漸進食。守靜不可太急。治傷寒雖

無補法。若果病久元氣虛憊。或勞力所傷。不得不補。

此合宜則用也。宜補中益氣湯開前不錄。而可尋黃

當歸六黃湯

治瘥後虛熱盜汗不止屬陰虛

當歸

黃柏

黃芩

黃連

黃芪

生地

熟地

隨症加減。水姜棗煎服。

加味補陰丸

本方自有加減法

治病瘥後陰虛發熱。乃心血未足。四肢無力。倦

當怠。眼昏耳聾。神氣不寧。或夜夢遺精。或作寒熱

盜汗。飲食無味。不生肌肉。身體羸瘦。面色青黃

無精者。

熟地 生地 麥冬 石 大 五味

當歸 無川 芩 白朮 黃芪 天 山藥

黃柏 知母 白芍

砂仁 茯神

冬月加乾姜。○夢遺加牡蠣蛤粉瓊陽。○腰

腿骨酸無力。加虎頸骨。敗龜板。杜仲。煉蜜丸。

益鹽湯送下。

硃砂安神丸

本方自有加減法

治瘥後心神恍惚不寧。夜臥煩燥不安。或亂夢

虛驚不眠。蓋因汗下過多。心血虧少。如魚無水

液去。心空故也。

硃砂

黃連

甘草

當歸

生地

加人參遠志酸棗仁茯神。○夜臥口乾燥加
麥冬知母。○有痰加橘紅半夏。○煩燥加山
梔。煉蜜丸。硃砂金箔為衣。燈心湯下。

加味枳朮丸

治病瘥後胃弱食少胸膈滿悶不寬服此則進
食乃溫胃之散也

陳皮

山查

有食鬱加砂仁香附即香砂枳朮丸。○凡氣
不舒暢加木香即木香枳朮丸。○心下痞滿
加姜汁炒黃連木香即香連枳朮丸。○有痰
加橘紅半夏即橘半枳朮丸。○胃中虛寒加
乾姜桂少許。即溫中枳朮丸。○右各為細末
荷葉包飯煨熟和為丸。如桐子大每服五十
丸白湯送下或姜湯送下亦可。

辨傷寒瘥後昏沉例第四十一
 辨傷寒瘥後昏沉例第四十二
 傷寒瘥後昏沉者。或半月以來。或十餘日。漸見昏沉
 終不醒。又有寒熱錯語。失神如見鬼狀。或呻吟者。或
 寒熱似瘧。或朝夕潮熱煩赤者。蓋先發汗不盡。餘熱
 在心包絡間故也。醫作風魅治之非矣。當以知母麻
 黃湯取微汗則愈。若胃脘有虛煩而嘔。竹葉石膏湯
 加姜汁少許。無熱脈沉細。喜睡不巳者。脾土有寒也。
 少與理中湯。瘥後目昏微煩者。因強食穀食早。而不
 消化也。宜損穀則愈。且夫前用知母麻黃取汗者。但

辨傷寒瘥後昏沉例第四十一

傷寒瘥後昏沉者。或半月以來。或十餘日。漸見昏沉
 終不醒。又有寒熱錯語。失神如見鬼狀。或呻吟者。或
 寒熱似瘧。或朝夕潮熱煩赤者。蓋先發汗不盡。餘熱
 在心包絡間故也。醫作風魅治之非矣。當以知母麻
 黃湯取微汗則愈。若胃脘有虛煩而嘔。竹葉石膏湯
 加姜汁少許。無熱脈沉細。喜睡不巳者。脾土有寒也。
 少與理中湯。瘥後目昏微煩者。因強食穀食早。而不
 消化也。宜損穀則愈。且夫前用知母麻黃取汗者。但

慮病後血氣兩虛。豈可再發汗。若人元氣壯盛。脈來有力者。乃可行之。若脈虛人弱者。只用十味溫膽湯。若有寒熱潮熱。日晡發熱者。以參胡溫胆湯。加黃連。主之。要在脈症詳辨。不可執一也。而師於葉石音。知母麻黃湯。此醫於風濕。非寒當以麻黃湯。寒熱以知母麻黃湯。麻黃湯。桂枝湯。甘草。蓋銀。不顯芍藥。寒熱黃芩。夫師加人參。桂枝。今各。冬湯。開在。各條。不錄。且各。

辨傷寒瘥後飲酒復劇例第四十二

辨傷寒瘥後飲酒復劇例第四十二

蓋酒能發散溫經。其味苦辛。乃大熱有毒也。且寒月惟酒不冰可見矣。緣傷寒熱病。本熱未解。若飲酒則病增劇。轉加熱盛而助火邪也。若脈弦數者。用小柴胡合解毒湯。加烏梅乾葛砂仁。若脈洪大者。用人參白虎湯。合黃連解毒湯。加乾葛烏梅砂仁。主治可也。

不在表裏。其人反靜。舌上胎滑。不可攻也。此論。加。心。更。日。道。治。之。寒。加。子。

自氣鬱合黃連發熱渴飲水者宜下之
 所合候毒發時為時宜下之
 商微瀉脾熱熱益而便大便也
 部瀉下米可具矣
 蓋所宜發時為時宜下之
 辨傷寒發時為時宜下之

辨傷寒臟結例第四十三

臟結者。臟氣閉結而不復流布也。一息不運。機絨窮
 一毫不續。霄壤判。臟結之理如此。其外症如結胸狀
 但飲食如故。時時下利為異耳。其脈寸浮關尺沉細
 而緊。陰筋引臍腹俱痛是也。病人脇下有痞氣。連在
 臍旁。痛引小腹。陰筋者。此冷臟結者死。臟結無陽症。
 不往來寒熱。其人反靜。舌上胎滑。不可攻也。宜灸關
 元。仍與茱萸四逆湯。溫之。寒甚加附子。

辨傷寒瘧病例第四十四
無熱有寒去黃芩
瘧症身熱足冷頭項強急惡寒頭熱面赤目赤獨
頭搖卒口噤背反張手足攣搐角弓是瘧病也起于
太陽先傷于風重感于寒無汗爲剛瘧起于太陽先
傷于風重感于溼有汗爲柔瘧仰面而臥開目爲陽
合面而臥閉目爲陰脉浮緊者屬陽脉沉細者屬陰
口中燥渴者屬陽口中和者屬陰脉緊急而強直下
行者風瘧又發汗太過亦成瘧大發濕家汗亦成瘧
瘡家汗亦成瘧也新產婦人血虛汗出當風亦成瘧

也陽症易治。陰症難醫。太陽無汗小便少氣上冲口
 噤欲作剛瘧。麻黃加葛根湯。若人參羌活散。加麻黃
 乾葛亦佳。太陽病。凡凡身體強痛。脉反沉細。此為瘧
 宜瓜蒌桂枝湯。若有汗。宜桂枝湯。加羌活防風。胃弱
 加參朮丸。剛症若胸滿口噤。咬牙脚攣。急宜大承氣
 湯下之。要在脉實有力可下。若脉沉細無力者。不可
 取也。陰症脉沉細。用附子散。加桂枝白朮。若血虛發
 瘧。八寶湯。加羌活防風。黃芪桂枝。脉小熱。附或續
 命湯。治剛柔二瘧。有汗去麻黃。無熱有寒去黃芩。防
 已有熱無寒。去附子。用者詳之。

瓜蒌桂枝湯

治太陽發熱惡寒體痛強急凡凡脉沉細者此

為瘧

瓜蒌根

桂枝

甘草

白芍藥

生姜

大棗水煎服

桂心白朮散

治陰瘧有汗脉沉細手足搐搦

桂心

白朮

附子

川芎

甘草下 水姜棗煎服中

白朮散中 水姜棗煎服中

治陰瘧中 水姜棗煎服中

白朮上 川烏中 煎桔梗中 附子下

細辛下 乾姜上 羌活中 防風中

肉桂上 甘艸下

自汗加黃芪。水姜煎服。小利或眩者此

當歸防風散

治汗多亡血發瘧。本藥之無熱有寒去黃芪

當歸上 防風中 芎藭中 生地中

白芷中 羌活下 人參中 歸身中 桑葉中

小柴惡風自汗加桂枝白朮。水姜煎服

麻黃加獨防湯水姜煎服

治剛瘧發熱無汗惡寒脈沉緊者。白朮

麻黃中 桂枝中 杏仁中 甘草下

桂枝獨活藥。防風。水姜煎服

桂枝加用芎防風湯煎服。白朮

治柔瘧發熱自汗惡寒脈沉緩者。白朮藥中

桂枝湯 桂枝 芍藥 防風 附子 甘草 白芍藥

桂枝加芍藥湯 桂枝 芍藥 防風 附子 甘草 白芍藥

桂枝加芍藥防風湯 桂枝 芍藥 防風 附子 甘草 白芍藥

治發熱脈沉細腹痛發症附太陽也

桂枝湯 桂枝 芍藥 防風 附子 甘草 白芍藥

麻黃水姜煎服

小柴胡加防風湯 柴胡 芍藥 防風 附子 甘草 白芍藥

治汗下後不解乍靜乍燥目直視往來寒熱脈

弦數者少陽瘧也若一日左右或邪視并一手

一足搖擗者少陽也

小柴胡 柴胡 芍藥 防風 附子 甘草 白芍藥

甘草 芍藥 防風 附子 甘草 白芍藥

八神加羌活○水姜煎服

附子散 附子 芍藥 防風 附子 甘草 白芍藥

治陰症手足冷筋脈拘急汗出不止頭項強頸

搖口噤 芍藥 防風 附子 甘草 白芍藥

附子 芍藥 防風 附子 甘草 白芍藥

獨活 芍藥 防風 附子 甘草 白芍藥

附子防風湯

治陰症閉目合面手足冷筋脉急汗出不止。

白米中

防風中

甘草下

桂心中

附子下

乾姜下

柴胡中

茯苓中

五味子下

水姜煎服

八物白米湯○水姜煎服

治陰症二三日面目腫手足冷筋脉拘急汗出

不止

白米中

蒼朮中

五味子下

桂心下

麻黃根下

良姜下

羌活中

附子下

水姜煎服

辨大頭傷風例第四十五

大頭者。一曰時毒。一曰疫毒。蓋天行疫毒之氣入感之而為大頭傷風也。若先發于鼻額紅腫。以至面目盛腫不開。并額上面部掀赤而腫者。此屬陽明也。或壯熱氣喘。口乾舌燥。或咽喉腫痛不利。脈來數大者。普濟消毒飲主之。內熱甚者。通聖消毒飲。若發于耳之上下前後。并頭角紅腫者。此屬少陽也。或肌熱。日晡潮熱。往來寒熱。口苦咽乾。目疼脇滿。宜小柴胡加天花粉。羌活。荆芥。連翹。芩連。主之。若發于項上。并腦

後項下及日後赤腫者此屬太陽也宜荆芥敗毒散
 主之若三陽俱受邪併于頭面耳目鼻者以普濟消
 毒飲外用清涼救苦散敷之大抵治法不宜太峻峻
 攻則邪氣不伏而反攻內必傷人也且頭面空虛之
 分既着空處則無所不至也治法當先緩後急則邪
 伏也先緩者宜退熱消毒虛人兼扶元氣胃氣弱食
 少者兼助胃氣候其大便熱結以大黃下之拔其毒
 根此先緩之法也蓋此毒先腫鼻次腫于耳從耳至
 頭上絡後腦結塊則止不散必成膿也

普濟消毒飲

柴胡 上

黃連 上

黃芩 上

玄參 上

甘草 下

桔梗 中

連翹 中

鼠粘子 中

升麻 下

白芷 下

姜蚕 中

馬屁勃 中

板藍板如無用大青或青黛○虛人脈弱加

人參○引至毒所加阜角○胃弱食少加白

木橘紅一方加防風荆芥當歸○如大便不

通加酒浸大黃○水煎服就臥使藥氣上行

荆芥敗毒散

本方自
加減法

羌活 獨活 柴前胡 人參

茯苓 川芎 木桔梗 甘草

荆芥 防風 薄荷 牛蒡子

內熱加酒芩。熱甚加酒連。○口渴加天花粉。

凡頭面腫甚。目不開。鼻塞口乾。舌燥。內外有熱。

或咽腫痛不利。或內熱。大便閉結。脉洪數煩渴。

宜通聖消毒散。

荆芥 防風 白芍 連翹

甘草 川芎 當歸 薄荷

黃芩 山梔 滑石 桔梗

石膏 芒硝 大黃 麻黃

牛蒡子

腫不消。加牛蒡子。玄參。○一方用犀角水煎。

服。

凡時毒頭面赤腫。咽隘填塞。水藥不下。若臟腑

素有積熱。發為腫毒。疔瘡。一切惡瘡。紅腫。並宜

漏蘆湯。

漏蘆 升麻 大黃 黃芩

甘草

下

藍葉

下

桔梗

下

黑玄參

中

牛蒡子

中

連翹

中

素大便實加大黃芒硝水煎服。

凡雷頭風額面疔瘡腫痛增寒壯熱四肢拘急。

狀似傷寒用清震散。

升麻

中

乾葛

中

赤芍藥

上

甘草

蒼朮

中

青竹葉

上

水煎服。○夫雷者屬震卦也。震象仰虛。故用

荷錢青色青中通外直以類象形治之効也。

清涼救苦散

芙蓉葉

二桑葉

白欬

白芨

大黃

黃連

黃柏

紫車前

白芷

雄黃

芒硝

赤小豆

右各等分爲末用蜜水調腫處頻掃之。

綠雲散

治咽喉腫痛

青黛

錢一

鵬砂

分五

寒水石

錢一

紫車前

錢一

山豆根

錢一

玄明粉

錢一

硝石

錢一

冰片

分一

一曰竹各為細末。竹管吹喉中。入至病處。

不立者。...

...

...

...

...

...

...

...

辨温病例第四十六

蓋冬感寒。不即病。伏藏于肌膚。至春時。天道温。煖其

伏寒。各隨時氣。改變為温者。因温氣將發。又受暴寒。

故春變為温病。既變之後。不得復言為寒矣。所以仲

景有云。春時人感壯熱。不惡寒。而渴者。其理可見。温

病也。不惡寒。則病非外來。渴則明其熱自內達。言無

表症。明矣。温病大熱。不宜發汗。不在表也。已經汗下。

亦不在表也。其温熱二病。所起所因。所感所發。治例

一同。若誤下之。未必不為害。誤汗之。變不可言。温病

之脉散在諸經而動。各隨其經取之。脉如尺寸俱浮。緊者發于太陽。宜羌活湯。加葱白。蘇葉。柴胡。葛根。自汗者去葛根。蘇葉。柴胡。蒼朮。加桂枝。芍藥。脉若尺寸俱長者發于陽明。宜解肌湯。合芍蘇散。脉若尺寸俱弦者發于少陽。宜小柴胡。合芍蘇散。兼有太陽者羌活散。加蘇葉。兼有陽明者用羌活散。加乾葛。芍藥。溫病發表。不與傷寒同者。蓋因春時溫氣而發。非寒初傷于表也。此怫鬱之熱。自內而發于外。故宜辛涼之劑而解之。若時令溫暖。雖用麻黃。必加涼劑。天道尚寒。亦宜少佐。要在明病審察。不可執一說也。凡溫病發于三陽者多。發于三陰者少。若發于陰者。必有所因也。或因飲食內傷而得之。或因慾事。先傷腎經。得之。治例皆與傷寒傳變各條同治。惟發表不與傷寒同也。三月得此病者。爲晚發。治法同溫病。壯熱脉浮。大有力可治。細小者難治。所以溫病大熱滾滾。脉小足冷者多死也。

而東之... 夫熱病乃冬時感寒不即病伏藏于肌膚至夏時其
 故夏變為熱病既變之後不得復言為寒矣所以仲
 景有云夏時人感壯熱不惡寒而渴者其理可見熱
 病也不惡寒則病非外來渴則明其熱自內達其無
 表證明矣治熱病與溫病因夏至以後時令炎暑人
 感壯熱煩渴不惡寒乃為熱病熱病之脈亦隨其經
 而取之也發于太陽脈浮緊發于陽明脈浮長發于

辨熱病例第四十七

夫熱病乃冬時感寒不即病伏藏于肌膚至夏時其
 伏寒各隨時令改變為熱者因炎暑將發又受暴寒
 故夏變為熱病既變之後不得復言為寒矣所以仲
 景有云夏時人感壯熱不惡寒而渴者其理可見熱
 病也不惡寒則病非外來渴則明其熱自內達其無
 表證明矣治熱病與溫病因夏至以後時令炎暑人
 感壯熱煩渴不惡寒乃為熱病熱病之脈亦隨其經
 而取之也發于太陽脈浮緊發于陽明脈浮長發于

少陽脉弦數。發于三陽者多。發于三陰者少。亦有所因也。治依溫病條下。若表邪傳進三陰者。治法與傷寒條內下症同。若脉沉小足冷者。亦發于陰。則難治也。大抵熱病。比溫病尤加熱也。脉得洪大有力。或滑數有力。乃爲病脉相應。謂之可治。若細小無力。謂之難醫。人虛脉弱者。主扶元氣。兼解邪熱。不可峻攻。若見表症在者。治例與溫病同。若夾暑。加香薷扁豆。雙解之。若夾內傷。生冷飲食停留。或嘔吐。或惡心。中脘痞悶。發熱增寒。拘急。用藿香正氣散。加香薷扁豆葛根黃連。若熱渴。大便自利。小便不利者。五苓散去桂。加葛根黃連香薷滑石甘草主之。表熱甚者。加柴胡。若時令熱病發黃。名曰溫黃。用瀉濕熱茵陳五苓散。凡熱病一二日。瀉利腹滿熱甚者死。三四日。目昏譫語。熱甚脉小者死。五六日。舌本焦黑。燥渴者死。七八日。衄血吐血下血。燥熱脉大者死。八九日。發瘧兼昏沉者死。凡熱病脉促結伏沉小。皆難治。熱不得汗。脉燥急者亦難治。已得汗而熱反盛。脉燥急者死也。

春感寒邪在肝。升麻葛根湯。夏感涼邪在心。調中湯。
 秋感涼而反熱。冬感寒而反溫。此時行不正之氣。
 也。邪傷真氣。若近穢氣而傷真氣。正如墻壁不固。賊
 乃敢入。若正氣既盛。邪氣難侵矣。其病勢與傷寒相
 類。蓋傷寒因寒而得之。時氣乃感疫癘之氣而得之。
 不可與傷寒同治。惟發散之藥則同矣。凡發散湯劑。
 春感寒邪在肝。升麻葛根湯。夏感涼邪在心。調中湯。
 秋感涼而反熱。冬感寒而反溫。此時行不正之氣。
 也。邪傷真氣。若近穢氣而傷真氣。正如墻壁不固。賊
 乃敢入。若正氣既盛。邪氣難侵矣。其病勢與傷寒相
 類。蓋傷寒因寒而得之。時氣乃感疫癘之氣而得之。
 不可與傷寒同治。惟發散之藥則同矣。凡發散湯劑。

辨時氣例第四十八

時氣者。乃天時暴癘之氣。流行人間。凡四時之令不
 正者。則有此氣行也。若春應溫而反寒。夏應熱而反
 涼。秋應涼而反熱。冬應寒而反溫。此時行不正之氣
 也。邪傷真氣。若近穢氣而傷真氣。正如墻壁不固。賊
 乃敢入。若正氣既盛。邪氣難侵矣。其病勢與傷寒相
 類。蓋傷寒因寒而得之。時氣乃感疫癘之氣而得之。
 不可與傷寒同治。惟發散之藥則同矣。凡發散湯劑。

湯煩熱錯語不眠。白虎合解毒湯。表熱甚者。加柴胡。內實不大便者。大柴胡加芒硝下之。若斑出如錦者。難治。

三黃石膏湯。黃芩。黃連。黃柏。石膏。麻黃。山梔。杏仁。豆豉。水煎服。取汗為愈。

辨傷濕中濕風濕例第五十。風濕者。濕中太陰脾經。或

傷濕者。濕傷太陽經起也。中濕者。濕中太陰脾經。或

腎經也。風濕者。或先濕而後傷風。風濕相搏而後為

病也。其症一身盡痛。不能轉側。額上微汗。惡風寒。不

欲去衣。大便難。小便利。熱極。日晡而甚。治宜微解肌。

但微微似欲汗出。澀澀身潤者。則風濕俱去。不可大

汗。若大汗則風去溼在。非惟無益而反害之。宜羌活

冲和湯。溼多身痛。小便不利。甘艸附子湯。煩渴。小便

不利。五苓散。外不熱。內不渴。小便自利。朮附湯。緩弱

不利。五苓散。外不熱。內不渴。小便自利。朮附湯。緩弱

不利。五苓散。外不熱。內不渴。小便自利。朮附湯。緩弱

不利。五苓散。外不熱。內不渴。小便自利。朮附湯。緩弱

不利。五苓散。外不熱。內不渴。小便自利。朮附湯。緩弱

不利。五苓散。外不熱。內不渴。小便自利。朮附湯。緩弱

不利。五苓散。外不熱。內不渴。小便自利。朮附湯。緩弱

昏迷腹痛身重自汗下利不止白通湯加白朮甘艸
身腫滿痛微喘惡風敗毒散加杏仁熱而煩渴瓜蒌
根湯若誤下之小便必不利五苓散中濕小便不利
大便自利甘草附子湯合五苓散大小便俱利無黃
者朮附湯身痛鼻塞小建中湯加黃芩太陽病關節
疼痛脈沉細者此名濕痺其人小便不利大便反快
但當利小便也溼病但頭汗出者背強欲得被覆向
火胸滿小便不利舌上如胎者此丹田有熱而胸中
有寒也渴欲得水而不飲則口燥煩也若誤下之則
噦爲難治若下之額上汗出微喘小便利者死若下
利不止者亦死也濕家病身上疼痛發熱面黃而喘
額疼與鼻塞而煩其脈大自能飲食腹中和無病病
在頭中以瓜蒂散搐鼻中黃水出則効也濕家爲病
身盡痛身如薰黃凡傷濕必身重而不便也

與盡熱身黃小便不利大便反快茵陳五苓散
 虛自利木附湯脉大有力煩渴自汗者人參白朮湯
 加香薷扁豆黃連治之也
 辨濕溫例第五十一
 濕溫寸濡而弱尺小而急素傷于濕因時中暑溼與
 熱搏即為溼溫其狀胸腹滿目疼壯熱多汗妄言雙
 脛疼倦怠惡寒木附湯加人參香薷扁豆若發其汗
 使人不能言耳聾不知痛處其身赤面色變是鑿殺
 之也且溼溫在太陰蒼朮白虎湯加桂溼氣勝一身
 盡痛發熱身黃小便不利大便反快茵陳五苓散
 虛自利木附湯脉大有力煩渴自汗者人參白朮湯
 加香薷扁豆黃連治之也

辨濕溫例第五十一

濕溫寸濡而弱尺小而急素傷于濕因時中暑溼與
 熱搏即為溼溫其狀胸腹滿目疼壯熱多汗妄言雙
 脛疼倦怠惡寒木附湯加人參香薷扁豆若發其汗
 使人不能言耳聾不知痛處其身赤面色變是鑿殺
 之也且溼溫在太陰蒼朮白虎湯加桂溼氣勝一身
 盡痛發熱身黃小便不利大便反快茵陳五苓散
 虛自利木附湯脉大有力煩渴自汗者人參白朮湯
 加香薷扁豆黃連治之也

歲蕤湯

本方有
加減法

治風温

歲蕤 上

石膏 中

葛根 中

羌活 下

白薇 下

杏仁 中

川芎 中

麻黃 中

青木香 下

渴加人參天花粉去麻黃木香。水姜煎服

葛根龍胆湯

治風温脉弱身重汗出

石膏 中

升麻 中

大青 中

龍胆艸 上

桂枝 中

甘草 下

芍藥 中

歲蕤 中

乾葛 上

水姜煎服

瓜萋根湯

治風温灼熱大渴

石膏 中

瓜萋根 上

人參 中

防風 中

甘草 下

乾葛 中

知母 中

水姜煎服

知母葛根湯

治汗後身灼熱

知母 中

乾葛 上

石膏 中

甘草 下

羌活

中

升麻

下

南星

下

人參

中

防風

中

杏仁

中

川芎

中

木香

下

麻子

中

麻子

下

水姜煎服

防已湯

治風濕身重汗出

黃芪

中

白朮

上

防已

中

防風

中

甘艸

下

水姜大青煎服

辨溫瘧例第五十三

溫瘧傷寒壞病前熱未除其脈陰陽俱盛重感寒邪變為溫瘧寒熱往來口苦胸滿者小柴胡加桂枝芍藥湯寒多倍桂熱多倍柴胡熱甚煩渴者人參白虎湯痰多熱甚者小柴胡合二陳湯食少胃弱加白朮心滿者加枳實黃連渴者去半夏加瓜蒌根若邪寒結裏大便不通大柴胡下之若變瘧已正又當補而截之

志與風疎同也

夫因暑寒前蒸未制更與神汗出而為風變也
豈曰暑和氣燥則和氣燥更與風變為風變蓋此
辨中暑中暈例第五十五

凡中暈者即熱也。蓋熱傷太陽經。與傷寒相似。故曰
中暈也。中暑熱傷心脾二經。而不在太陽。故曰中暑
也。動而得之為中熱。靜而得之為中暑。經曰太陽經
中熱者。即暈是也。其人必汗出。身熱煩渴。宜人參白
虎湯。若身重而疼者。人參敗毒散。加黃連香薷主之。
中暑者。其症面垢自汗。煩燥而渴。身熱脉虛。或伏或
遲。洒然毛聳。惡寒口開。前板齒燥者。人參白虎湯。加
連薔扁豆。或背惡寒者。蓋暑傷心。心不受邪。則包絡

受之。包絡相火。此火助火。則熱盛而昏不醒也。大抵清利小水。黃連香薷飲浸冷服之。煩渴熱甚自汗者。人參白虎湯加竹葉。若煩渴小便不利者。香薷飲合四苓加木通滑石。若大便瀉而小便少者。亦以此湯主之內熱心煩者。加姜炒黃連山梔。調辰砂末。虛者倍用人參。若嘔吐頭疼。瀉利胸滿。或腹痛者。藿香正氣散加香薷扁豆。名二香湯。若小便不利而大便自利者。以正氣散合五苓散。轉筋者加木瓜。大抵不可作傷寒妄治。所謂夏月有四症。傷寒傷風。脈症互見。中暑熱病。疑以難明。若脈緊惡寒。謂之傷寒。脈緩惡風。謂之傷風。脈盛壯熱。謂之熱病。脈虛身熱。謂之傷暑。以此別之也。

香薷飲

香薷

扁豆

厚朴

甘艸

水姜煎服加燈心。○涼水中浸冷飲之。効心

煩熱多。或吐逆。姜汁炒黃連倍加。如手足搐

搦者。此暑風也。加羌防。如小便不利者。加滑

石赤茯苓。如吐加藿香。陳皮少加姜汁。嘔加

生姜半夏。口渴加乾葛天花粉。如瀉利加白
 朮茯苓。如脉虚弱加人參五味門冬。虚汗不
 止。加芫朮。心煩燥。加梔連姜汁。炒辰砂末服
 之。胸脹加枳殼桔梗主之。中氣冷者之

十味香薷飲

香薷 上

人參 中

陳皮 中

白朮 中

茯苓 中

黃芪 中

木瓜 下

厚朴 中

扁豆 中

甘艸 下

中暑熱內熱心煩。加辰砂。小便不利加四苓散。水

辨煎服

寒清暑益氣湯

人參 上

黃芪 中

蒼朮 中

升麻 下

白朮 中

神麴 下

陳皮 中

甘艸 下

黃栢 中

當歸 中

麥冬 下

乾葛 下

澤瀉 中

青皮 中

五味子 下

內熱心煩。加辰砂。○水煎服。

神效心氣散是也。○本館藏

戰筋中 青丸中 五和子

黃酥中 當歸中 麥冬中 神效

白木中 轉雙中 刺史中 甘柳中

人參中 黃其有中 養木中 枳實中

散寒益氣湯

辨寒疫即感冒傷寒例第五十六

寒疫者乃天之暴寒為病也。四時之中。天令忽有暴寒之作。若感冒即病者。名曰寒疫也。其症與正傷寒同。但暴寒為輕耳。若病初起。頭疼發熱。增寒拘急。或吐逆惡心。中脘痞滿。或飲食停留不化。或腹中作痛。未發熱者。宜藿香正氣散。加減治之。若已發熱者。十味芩蘇散汗之。若身痛骨節疼發熱者。羌活沖和湯。加紫蘇主之。若有汗不可再發汗。宜加減沖和湯主之。若邪熱不解。傳入裏變症者。宜從正傷寒條內治。

之。...

...

...

...

...

...

...

...

...

...

辨霍亂例第五十七

傷寒霍亂嘔吐瀉利頭疼體痛惡寒發熱腹痛或吐

利止而發熱揮霍掄亂其脉或伏或絕此名溫霍亂

若不吐利而腹痛甚者此名乾霍亂為內因所傷邪

物不得出擁塞正氣陰陽隔絕升降不通死在須臾

急用皂角末射香鹽湯調一碗服探吐用鵝翎吐出

所傷之物最為良法莫與米湯服之即死是穀氣反

助邪氣也若吐瀉多而元氣虛脫者方可少與清粥

湯以助元氣若熱多渴甚飲水者五苓散中暑霍亂

加香薷扁豆葛根姜汁炒黃連。若寒多。或吐瀉腹痛。不飲水者。理中湯。手足厥冷。脈伏者。加附子。嘔吐者。加藿香葉陳皮半夏厚朴。各藿理湯。瀉多。小便少者。理中合五苓散。各理苓湯。若臍上築築然動者。藿苓湯。加姜炒黃連乾葛。若瀉不止。倍用蒼朮白朮炒用。升麻少許。脈虛用參芪。轉筋加木瓜。寒痛甚者。加茱萸。若厥冷。脈沉細。或下利清穀。裏寒。外熱者。用附子理中湯。若吐瀉發熱。汗出惡寒。四肢厥冷。拘急者。四逆湯。若吐利止。小腹復痛。大汗出。或下利清穀。內寒。外熱。脈微絕者。四逆湯。加豬胆汁。若吐已下斷。汗出而厥。四肢拘急不解。脈微者。四逆湯。加豬胆汁。大抵霍亂邪在上。焦吐而不利。邪在下。焦利而不吐。邪在中。焦既吐且利。如夏月霍亂。脈虛。不用姜附。蓋非真陰寒。則不可也。

中熱。身。不。可。也。草。葛。若。瀉。不。止。倍。用。蒼。朮。白。米。炒。用。
 中。熱。身。不。可。也。且。咳。臭。且。雷。厲。利。甚。不。眠。美。則。蓋。非。真。
 雷。厲。利。甚。不。眠。美。則。蓋。非。真。雷。厲。利。甚。不。眠。美。則。蓋。非。真。
 而。利。四。姓。併。急。不。眠。利。甚。不。眠。美。則。蓋。非。真。雷。厲。利。甚。不。眠。美。則。蓋。非。真。
 快。熱。利。甚。不。眠。美。則。蓋。非。真。雷。厲。利。甚。不。眠。美。則。蓋。非。真。

辨婦人傷寒症例第五十八

凡婦人傷寒。治法。皆與男子相同。惟經水適斷適來。
 熱入血室。與胎產傷寒。則不同治。

凡婦人傷寒。治法。皆與男子相同。惟經水適斷適來。
 熱入血室。與胎產傷寒。則不同治。

辨婦人熱入血室例第五十九
婦人中風發寒熱。經水適來而得之。七八日熱退而
脉遲。身涼。胸膈滿。如結胸狀。譫語者。此爲熱入血室。
當刺期門。隨其實而瀉之。當以小柴胡加生地丹皮。
歸尾枳殼香附乾姜少用紅花去黃芩。○婦人傷寒
發熱惡寒。經水適來。晝則明了。夜則譫語。如見鬼狀。
此爲熱入血室。無犯胃氣。及上中二焦。必自愈也。犯
胃氣。則謂攻下。犯上焦。則謂發汗。犯中焦。則謂取吐。
也是以不可汗。吐下必待自愈。故設小柴胡加生地

也是以不可汗。吐下必待自愈。故設小柴胡加生地

熱。或去血過多發熱。脉必虛大無力。內無痛者。此熱非有餘之熱。乃陰虛不足而生熱爾。用四物去芍藥。恐其酸寒伐生發之氣。必加參朮茯苓淡滲其熱。如大熱不止。必加煨乾姜神効。夫乾姜之辛熱。能引血藥入血分。以生新血。引氣藥入氣分。補氣有陽生陰長之義。非玄机之士。豈能知此妙乎。○凡產後惡露不盡。亦有發熱惡寒。必脇肋脹滿。連大小腹有塊作痛。凡產後腹痛者。血也。腹滿者。非是食。即是瘀血升作也。宜用四物湯加靈脂丹皮桃仁紅花。去胡索香附青皮乾姜肉桂酒。水各一鍾。黑豆一撮。後磨木香入童便姜汁温服。取下瘀血爲効。後以四物湯加參朮乾姜茯苓陳皮。少佐童便。炒香附調理。○若飲食停滯發熱。必有噫氣作酸。惡聞食臭。胸膈飽悶。右關脉緊盛。一般發熱惡寒頭痛。必用治中湯。加山查神麴砂仁炒黃連川芎當歸佐之。○若產後蒸乳發熱惡寒者。必乳間脹硬疼痛。令產婦揉乳汁通竅。其熱自除。不藥而愈也。蓋血氣代更不可。中風寒也。大抵胎產數症。俱有發熱惡寒頭痛。實非傷寒也。若

慢治之。殺人甚速。且夫產後雖有寒熱骨痛及口眼
喎斜。手足搐搦者。蓋血虛所致。不可作中風寒症治
之。乃是。若果產後不謹。虛中入風者。當以四物湯加
防風。荆芥。白芷。人參。香附。烏梅。姜。蚕。乾。姜。治之。○又
產後血虛昏沉不省者。用四物湯加參。朮。乾。姜。香。附。
茯苓。治之。若有瘀血衝上。昏暈不省。又當如前惡露
不盡。方內治之。吞下益母丸最効。○又有產後不謹。
感冒傷寒。發熱惡寒。頭疼骨痛。脈浮緊。表症宜汗者。
用四物湯加羌活。蒼朮。白朮。乾。姜。蘇。葉。梔。子。少佐葱
頭。用水煎取微汗爲効。若自汗。去蒼朮。蘇葉。加白朮。
熱甚者。可加軟柴。胡。乾。姜。少許。加炒黃芩。佐之。若熱
邪傳裏。口燥渴。大便不通。脈沉實。或熱甚譫語。宜下
之。輕則蜜導法。重則四物加柴胡。炒黃芩。枳殼。熟大
黃。微下。就用四物湯加乾。姜。少許。大用參。朮。以溫補
其血氣。若熱邪傳至半表半裏証。寒熱嘔而口苦。若
脈弦數者。以四物湯合小柴胡主之。○若產後妄用
汗下吐法。大過。遂變鬱冒昏迷。肉瞶筋惕者。必用四
物湯合四君子湯。加減治之。茯苓。乾。姜。乃爲主藥。不

膈滿氣口出無倫。語曰痰結此挾痰如見祟。皆痰之使然。用二陳湯加蘇子枳實芩連瓜蒌貝母桔梗山梔前胡去甘艸以姜汁調辰砂溫服。若痰涎擁盛昏迷不省者用吐法。後以加減二陳湯治之。若有遍身四肢骨節走注疼痛牽引胸膈心背亦作寒熱喘咳煩悶或作腫塊痛難轉側或四肢麻痺不仁或背心一點如冰冷脉來沉滑乃是溼痰流注經絡關節不利故也用二陳倍加蒼朮羌活酒炒黃芩白芷南星白芥子竹瀝姜汁磨木香若骨體痛甚及有腫塊作

痛者名曰痰塊前方加乳沒木香海石朴硝姜汁少許大便自利內無熱少用朴硝頭項痛加川芎威靈仙脚腫加牛膝黃柏防已龍胆艸木瓜若手臂膊痛加薄荷引南星等藥至痛處若作寒熱加柴胡桂少許獨熱減桂倍柴芩內熱加炒梔連若痰流在脇下痛結脹滿寒熱難轉側者二陳加柴芩川芎蒼朮青皮白芥子白芍竹瀝姜汁磨木香脇下硬塊不消作痛再加朴硝姜汁海石取鹹以軟堅喘咳加杏仁五味桑皮氣急加蘇子葶藶若身熱咯吐紅痰與上焦

痰鬱火邪。即血痰也。二陳減半夏。加炒芩連。山梔杏
仁。桔梗。瓜蒌。貝母。青黛。麥冬。五味。加竹瀝。姜汁少許。
磨金墨服之。氣虛加參朮。血虛加當歸生地。若痰欬
氣鬱。結滯寒熱。胸滿喘咳者。二陳去。甘艸半夏。加蘇
子。桑皮。瓜蒌。貝母。枳實。黃連。桔梗。杏仁。五味。竹瀝。姜
汁。磨木香。熱甚去木香。加黃芩。無熱而氣不調者。還
用木香。姜汁。若膏滿喘咳。痰涎如膠者。二陳去。甘艸
半夏。倍加芩連。貝母。瓜蒌。桑皮。杏仁。五味。桔梗。金沸
草。前胡。竹瀝。姜汁少許。外有熱。加柴胡。酒芩。若有內
熱。以痰作咳。二陳去。半夏。甘艸。加芩連。貝母。瓜蒌。五
味。乾葛。桔梗。山梔。杏仁。竹瀝。姜汁少許。若熱痰在胸
膈間。不化。咯吐不出。寒熱氣急。滿悶作痛者。名曰痰
結。二陳去。半夏。甘艸。加貝母。瓜蒌。芩連。桔梗。枳殼。杏
仁。山梔。蘇子。桑皮。少佐朴硝。姜汁。磨木香。如外熱。加
柴胡。仍用姜。粗揉熨法。胸中有風痰喘急。氣擁盛者。
二陳加南星。枳實。羌活。荆芥。防風。蘇子。蒼朮。麻黃。竹
瀝。姜汁。磨木香。若胸中有寒痰。留飲。喘急。無熱者。二
陳加桂枝。枳殼。桔梗。蘇子。砂仁。蒼朮。姜汁。磨木香。若

喉中痰涎漉漉有聲如水車響者難治用阜茨末鵝翎蘸桐油探吐痰大吐者爲愈已後隨症用藥如用吐法痰不出者必死矣若胸中有痰擁塞喘急滿悶兩脇脹痛脈沉者名曰痰氣二陳湯去甘艸加香附乾姜官桂蘇子厚朴砂仁青皮桔梗姜汁磨沉香外用炒姜粗揉熨法若痰核在咽喉中咯不出噤不下或升或降窒得不通者名曰梅核症亦痰氣也與前治法同去青皮加枳實若胸膈痰涎擁塞昏迷卒倒不省四肢厥冷脈沉細名曰痰厥二陳加乾姜桂枝熟附南星枳實蘇子木香桔梗姜汁若元氣本虛人下焦火痰升作喘咳至午夜間發寒熱者名曰痰火二陳去半夏加當歸生地芍藥黃蘗知母麥冬五味杏仁桑皮片苓橘紅竹瀝姜汁少許氣虛加參朮虛熱虛汗加黃芪其痰隔中焦小水不通二陳加木通滑石蘇子枳實砂仁黃連木香磨姜汁竹瀝若痰飲咳嗽氣急滿悶一寒一熱坐臥不寧有時而煩有時而燥名曰痰燥二陳合溫胆湯加砂仁竹瀝姜汁少許若肥人日常頭眩眼昏卒時運倒者名曰痰運

陳加川芎天麻蒼朮南星生烏藥桔梗枳殼酒苓
羌活去甘草竹瀝姜汁少許若痰在心下滿悶者二
陳去甘草加瓜蔓黃連枳實砂仁桔梗貝母香附蘇
子竹瀝姜汁磨末香傳送外可少姜粗揉熨法最効
此乃痰家要藥不可缺也若寒痰不宜用竹瀝苓連
涼劑醫家當慎之若痰發出者宜吐不宜留此穢濁
之物留則反生別病矣要在明辨痰症不可混作傷
寒治之悞也且痰家之藥枳實瀉痰能衝墻壁黃芩
治熱痰假以降其次也海石朴硝治頑痰味鹹以軟
堅痰在脇下非白芥子不能達蒼朮治痰飲成窠囊
行痰極効取燥以去溼瓜蔓桔梗能開膈上稠痰砂
仁治痰行氣故也竹瀝降痰無姜汁不能行經絡貝
母治膈上鬱痰最効天花粉大能降膈上熱痰青黛
治痰火上清咽膈此治痰之妙用也人身之痰如魚
之涎若地之泉隨氣升降無處不到設有阻其道路
爲腫爲塊爲喘爲咳爲噫爲噦爲寒爲熱爲嘔爲吐
爲泄瀉爲嘈雜爲噎氣爲怔忡爲驚悸爲關格爲煩
燥爲痞滿爲麻木爲癰閉爲厥逆爲眩運爲胡言爲

惡寒不出者死也。

控涎丹

治患背脊手足頸項腰膝筋骨牽引鈞痛及時
時走動串痛或手足麻痺或背心一點如冰痛
者并治之皆是痰病。

甘遂 天麻 紫大戟 芫花

大黃

加阜莢輕粉

各為細末糊為丸如桐子大每服五七丸淡

姜湯吞下以去痰積

辨食積類傷寒例第六十三

凡飲食自倍腸胃乃傷停滯中焦不化作為頭疼發

熱惡寒但身不痛與傷寒為異耳必左手脉平和右

手脉緊盛是傷食必惡食理必然也或噯氣或作酸

或惡聞食臭或欲吐不出或吐之不盡或惡心或短

氣或痞滿或腹脹或胃口作痛或腹中痛或心下痞

塞按之則痛以香砂平胃散依後法加減治之若停

食傷感即夾食傷寒左右脉俱緊盛外症頭疼身熱

惡寒拘急惡心中脘痞滿或嘔或吐或痛或瀉以藿

香正氣散。合養胃湯。加香附砂仁。若肉食不化。加神
麴麥芽。生冷肉食菓子不化。加草菓砂仁乾姜枳實
青皮。飲食不化。加萊菔子神麴山查酒食不化。加砂
仁蘇葉乾葛黃連烏梅。心下痞滿。加枳實黃連。胸脇
脹滿。加枳殼桔梗。腹中窄滿。加蒼朮厚朴倍多。腹脹
加萊菔子大腹皮。若胸中脹滿疼痛。氣虛不順。加木
香砂仁。胃弱加神麴白朮。內寒不熱。加姜桂。外熱加
柴芩。頭疼。加川芎。大便實熱。腹中滿。加大黃下之。腹
中有食積塊悠悠作痛者。加蓬朮嘔吐。加姜汁。小便
澀。加木通猪苓。大抵增寒未甚熱者。用此方。加減若
已發熱無汗。必須先解其外。以十味芎蘇散汗之。身
體痛發熱者。羌活冲和湯。加乾葛葱白。汗出然後消
其食也。若食在上口未入于胃。乃可吐之。如不吐。則
消導待食下入于胃。變化糟粕。外症已解。乃可下其
食也。外症無惡寒惡風。乃可下。熱多者。大柴胡下之。
凡治夾食傷寒。不可先攻其食。待發散寒邪已解。次
可攻食。劫吐法。開霍亂條下。

凡諸虛煩熱狀類傷寒。但頭身不痛為異耳。蓋煩即
 熱也。心中鬱鬱不安。謂之虛煩。若飲食不節。內傷勞
 役而發熱者。則手心熱而手背不熱也。蓋外感有餘。
 則口鼻之氣俱盛。內傷不足。則少氣懶言而煩作也。
 凡諸虛作熱。狀類傷寒。不可不辨而治。若誤作外感。
 以汗吐下法治之。豈不舛哉。原虛煩之脈。雖大。按之
 無力。或尺脈多浮大。左寸關脈。或濡或弱。或微或澀。
 乃虛脈也。且脈數主熱。數而有力為實熱。又云平人

辨虛煩類傷寒例第六十四

乃虛脈也。且脈數主熱。數而有力為實熱。又云平人

脉大者爲虛勞。又云陰虛生內熱。又云勞則喘。而自汗出則氣耗矣。若飲食失節。喜怒不調。房事勞役。皆損其真氣。氣衰則木旺。木旺則伐其脾土。四肢困倦。而熱少氣以動。懶言沉臥。動則氣促喘之。或表虛自汗。惡風。當以甘溫之劑補其中氣。溫其真陰。其熱自愈。大抵勞者溫之。損者益之。蓋除大熱。最忌苦寒之劑。重瀉其脾土也。且參芪甘溫。乃除虛熱之聖藥。專以補中益氣。少加黃柏以滋腎水。其効如神。又房勞陰虛。相火發熱者。并大病後虛熱。皆宜此湯。輕劑爲妙。又竹葉石膏湯。十味溫胆湯。皆治病後煩熱。虛熱之聖藥。要在選而用之。虛煩有熱。不可攻熱。熱去則寒起。誠格言也。

辨脚氣類傷寒第六十五

脚氣之作必發寒熱嘔逆。但起于脚膝酸軟爲異耳。須要察其足脛掀赤腫者溼熱也。黃白腫者寒溼也。脉浮主風。小續命湯加羌活木通木瓜龍胆草牛膝。沉遲或緊主寒。桂枝湯加羌防木瓜木通牛膝蒼朮。脉數有力主熱。小柴胡加黃柏知母牛膝羌活防風。木通脉沉濡主濕。五苓散加蒼朮木通防風羌活牛膝。木瓜然傷寒則無足痛之患以別之。因有發熱惡寒故狀類傷寒也。

辨內傷瘀血症發熱狀類傷寒例第六十六
凡跌撲損傷。或被人踢打。或物相撞。或取閃肭。一時
不覺。過至半日。或一二三日而發者。有之。十數日。或
半月一月而發者。有之。一般寒熱交作。其心胸脇下
小腹滿痛。按之手不可近者。此有瘀血也。或一時傷
重。就發寒熱。瘀血上冲。則昏迷不省。如死之狀。良久
復甦。輕則當歸導滯湯。重則桃仁承氣湯。加蘇木紅
花牛膝。桔梗薑汁。量其元氣。下其瘀血。則愈。若醫家
不識。見其寒熱脹滿。罔察其痛處。若有痛腫。手難近

其脉孔澀或數以明之。蓋肝爲血海。凡有瘀血必蓄積于心胸脇下。或小腹之分乃肝部也。心主血。肝藏之。脾爲之流。但小便如常者。蓄血症也。內傷瘀血症必自汗。

傷寒全生集四卷終